



濟南府志卷七

山水三 水

淄川 水

般水在淄川縣南十八里舊志云齊乘云亦名左阜水出淄川縣東南龍山龍灣洞俗名頭河今村名魚頭河西北流逕淄川城南西流會孝婦河自城東南二里築壩約流別分一支北注由東門外至北郭折而西環城北亦入孝婦河淄川舊名般陽水經注曰般陽縣在般水之陽也通志云般水源出淄川縣南二十五里名頭河莊西北流逕城南會孝婦水別分一支北注由城東北折繞西仍與孝婦水合縣志云般水一名峪頭河流經龍口莊湧泉寺前會本莊諸泉冬則東溫西涼夏則東涼西溫

濟南府志

卷七

山水二 淄川 水

呼爲溫涼二河抵城東南密頭莊築壩障水一支達南門外一支由東門外北流又經北門外俱入孝河環城皆水頗稱奇勝焉

萌水舊志云俗訛明水源出甲山流自范陽河東北逕萌山西瀧水左注之又東北至長山縣界入孝婦河縣志云明水原名萌水今名范陽河源出夾谷東北

瀧水舊志云源出冲山南東北流會白泥河又東北入萌水縣志云瀧隴二水同谷異源

按淄川有兩瀧水源出顏神鎮之瀧水即隴水又名孝婦河逕鄒平長山至博興與小清河合流入海故鄒平長山縣志猶有瀧水之名源出冲山南之瀧水即于水境入萌水則瀧

濟南府志卷七 山水三 水 淄川 水



川而外無出冲山之瀧水矣志又云瀧隴二水同名異源既云同名則二水皆瀧隴又瀧之訛音與水經注之龍水皆非水之正名也

德會水舊志云俗名豐水源出淄川縣東北三十五里名泉合頭可三畝餘諸泉迸發如珠串流曰猪龍河北逕長山縣界曰鄭黃溝又北逕新城縣東二里系河左注之又北入錦秋湖通志云德會水一名東朱龍河源出縣東北范王莊又名泉河頭西北流至司家橋入長山縣界又西逕大小石橋閭家莊至范留莊共行二十五里入新城縣界又逕于家堤口西入鄭黃溝又逕崔樓易合莊共行四十里入麻大泊

舊志云漢書地理志曰德會水出昌國西北至西安入如水水

濟南府志

卷七

山水三  
淄川水

二

經注曰德會水出昌國縣黃山西京相璠謂時水上源出般陽顏師古謂時水出般陽皆指此今攷德會水至博興縣與時水合

淄水縣志云出原山之陰所謂濰淄其道者也

按通志淄河自萊蕪縣原山發源初名太河東流經博山縣界折而北入益都界始名淄河入臨淄界東北逕淄河店牛山北天齊淵入樂安界又東逕壽光縣會小清河至馬車瀆入海並非淄川境內之水附辨於此

孝婦河在淄川縣城南一里縣志云卽隴水也源出顏神鎮顏文姜祠下北流經縣西門外

嬾水河縣志云舊名煖水在縣東北二十里

漫泗河縣志云源出東南山中自旦村西折由南定莊南至董家莊西會嬾水西北流至唐家山西流入孝水

白泥河通志云亦名瀧水源出縣西玉清山之陽名青嶂泉流逕響水灣萬安溪沁水泉右注之又東逕伏山南龍泉水左注之

又東南逕冲山北折而東注萌水入孝婦河

三里溝河縣志云源出城東黃姑庵東經聖水清泉西入孝水

五里河縣志云源出城東北巒山東南流至瀑水灣水行石上懸流而下又西爲五里橋又西入孝水

藍泉在淄川縣東南半里舊志云俗名雙井相去僅尺許其色一藍一綠其味一苦一甘縣志云過旱禱之卽雨

湧泉在淄川縣南十五里龍口村北舊志云水出南厓中平湧數

### 濟南府志

#### 卷七

山水三  
淄川水

三

尺始瀉至地乃折而西入般水又云近泉處土人呼爲温涼河云冬則東温西涼夏則東涼西温蓋河行遠因天時泉注近資地氣理固然也

滴水泉在淄川縣西二十八里舊志云一名晴雨泉石穹窿如屋苔結如龍首泉自結苔懸瀉而下石池承之流入礪壑爲溪

清嶂泉在淄川縣西五十里舊志云玉清山之陽石麓渾淪方員半畝中有小池若盆盎然泉出其中汲者以瓢引之引之卽竭

尚未注也視之盈矣東南流曰白泥河逕響水灣上有巨石平鋪周可百步水懸瀉而下瀾湃有聲又南萬安溪源出玉清山

南麓沁水泉源出王村鎮東右注之東逕伏山南龍泉水左注之又東南逕冲山北折而東北注瀧水



聖水泉在淄川縣東七里舊志云禮雨有應西流爲三里溝河入孝水

龍王泉在淄川縣東北十里舊志云西北流入孝水

桃花泉在淄川縣西南六十里舊志云羣山之中卽以名村泉在村西北巖下曲流出山入獼水

甘泉在淄川縣西南三十里舊志云沖山之陽卽灑水源也

硫磺泉在淄川縣西南三十里舊志云泉底如墨突氣甚酷烈酌而飲之味殊甘滑

百杪泉在淄川縣西南四十里舊志云泉出高厓林樹間下注爲溪邑人唐檢討夢登取山中一夜雨樹杪百重泉之句以名之

三台泉在淄川縣西南二十五里三臺山南舊志云山下曰安子

濟南府志

卷七

山水三  
淄川水

四

泉山東曰馬蹄泉山北曰龍潭泉又北曰大錫泉俱入萌水

博濟泉在淄川縣西十八里舊志云俗名五股泉出大路斃行人利之

殷家泉在淄川縣西三十里舊志云沖山北麓舊有殷生修煉於此石砌成沼方塘如鏡東流入白泥河

池子頭泉在淄川縣西北三十里舊志云源出平地滙爲巨池

龍泉在淄川縣西北五十里舊志云長白山之陽泉涌爲塘種荷畜魚北巖有龍泉寺俗名燕窩寺合山南諸谷之水東南流至

伏山東注白泥河

煖水泉在淄川縣北十里巽山東北麓舊志云北流曰煖水河又

北滙東南山澗諸水曰漫泗河西入孝水

按舊志載淄川之泉凡十有六而通志止載三台煖水龍臺四泉及閱縣志尚有抱鹿等四十一泉附錄於後

抱鹿泉在淄川縣東十里車家莊東南西流入般水

杜坡泉在縣東八里一名埠坡流入聖水

樂店泉在縣東二十五里西流入趙斷溝

鸚哥泉在贛山西麓西北流入孝水

雙溝泉在雙溝東嶺下

白雲泉在煥山東北麓 雷泉在印山下

老鴉山溝泉在煥山北 王家莊泉在煥山西石棚下

埠頂泉在煥山南流入博濟泉

菜園溝泉在煥山南麓流入范河

濟南府志

卷七

山水三  
淄川水

安莊泉在西安莊北道側

戴家泉在縣北二十五里

柳泉在黃姑庵南石橋下一在縣北十五里變衣舖西泉出路旁

深一二尺登爲池上建石廟勿植高柳可飲可憩行人利焉舖

東南巖畔有孫家泉注入范陽河

窩裏泉在縣西北三十里流入明水

毛家泉在縣西北毛家莊東南流爲豬頭灣河折而東南入白泥

河

栗泉在縣西四十五里南流入白泥河

雙水泉在縣西南六十里泉西爲章邱縣界

孟良泉在夾谷山南黃石屋村側孟良砦下



袁家莊泉在夾谷東麓相連有虎跑泉甜水泉

柳溝泉在夾谷東北瑚山下清涼寺中又東徐家莊北曰石灣泉  
因泉而名其村曰泉子店又李家莊曰王母泉

上流泉在瑚山東北尚莊又出殷柳莊者曰殷柳泉皆明水上源也

涼水泉在瑚山北麓又有北山泉兩泉之水同歸龍泉澗

羅圈泉在夾谷山大峪口東爬山莊北又山北焦莊有石渠泉

公家泉在縣南二十五里白塔莊側又焦莊北有橋泉仰泉

醴山泉在縣西南二十五里朝溪莊東又有胡家泉

飲龍泉在縣西南二十五里宋家坊

阿石泉在縣西三十里冲山巔北面巨石槎枒泉出高源灑灑有

### 濟南府志

#### 卷七

山水三  
淄川水

#### 六

聲流而成溪

西窩莊泉在縣南二十五里東流會孝水

南泉在縣南八里蘓王莊南滙爲巨池方廣畝許每夏秋雨漲禹

王山澗壑諸水俱奔注泉中東流入於孝河

按以上四十一泉俱載淄川縣志

滿井在淄川縣東八里舊志云一名柳泉水自溢出烹茶最勝

路途井在淄川縣西南五十里縣志云北山曰盤南山曰九紋惟

一徑可通井出其中焉

聖水井在淄川縣北三十里磨山之巔縣志云久旱不涸

瀑水灣舊志云源出巒山東南曲折西流水行石上石忽陷下丈

餘西去爲壑水懸流而下若簾冬月結作氷柱入厓下石龕中



向外望之瑩徹沁心目流自五里河入孝水

蒼龍灣舊志云在蒼龍峽俗傳龍蟠于中遇旱禱雨輒應入般水  
按淄川之水自般以下凡五孝河以下以河名者八以灣名  
者二而泉之有名者五十有七異井亦附見於篇較之舊志  
增三之一云

長山 水

小清河在縣西北三十里詳總敘

縣志云小清河本濟水故道今以章邱縣東南東陵山獺水爲  
源自姚王莊入縣境又東北逕舊口莊安家橋至陶唐口南岸  
分支作月河入青沙泊其經流又東北逕三教堂至北宋家套  
縣境內行五十一里入新城界又折而東南青沙泊水復歸入  
之又東與孝水會東北入於海又云小清河北有白雲湖秋漲  
時亦或注水

孝婦河在縣西一里詳總敘

縣志云孝婦河卽灤水寔宇記云古名孝水水經注云灤水卽  
古袁水也京相璠曰濟南梁鄒縣有袁水者也按自縣東南四  
十里河崖頭南入縣境又西北至黃土厓有萌水入之又西北  
逕于家套又西北逕縣城南范公祠北歷永安橋有魚子溝水  
入之又北歷通濟橋又西北逕雍家莊折而東北逕夏寨至宰  
村入新城縣界邑境內行七十里東北合小清入海

范陽河在縣東南三十七里通志云卽淄川縣之萌水自北嶺入  
境東北行六里至張樓莊入孝婦河縣志云卽水經注之萌水

濟南府志

卷七

山水三  
長山 水

七



也自北嶺入境東北行六里至河崖頭入孝婦河

豬龍河在西南三十八里縣志云源出白雲山麓楊家峪東北流  
右納珠玫泉之水北逕禮參坡又西北至舊口注于小清河

東朱龍河通志云卽淄川縣之德會水自司家橋入境逕水雲庵  
大石樓蓮花池至范留莊共行十二里合鄭王溝入新城縣麻  
大泊舊志云豬龍河源出長白山之東北諸麓流入小清河

鄭黃溝縣志云在縣東三十五里淨家莊北源出淄川豐水鎮湧  
豐泉經縣境入新城烏河明成化中風雨淤塞知縣趙沅嘗濬  
此溝以紓水患

鄭王溝在縣西南三十五里通志云在縣西南受山澗諸泉之水  
北流逕禮參舖東入豬龍河

濟南府志

卷七

山水三  
長山水

八

系水在縣北二十里通志云西與孝婦河接尋常無水每遇淫澇  
孝婦河溢卽挾而東流同入鄭黃溝舊志云系河經新城縣南  
又名吳河舊傳爲齊之運河然不可考縣志云在縣北二十里  
苑城店一名梧河西與孝水相接東入鄭黃溝北會孝水於麻  
大泊

魚子溝在縣西南三十八里縣志云俗名泔溝河源出白雲山東  
巖秀谷深泉源競發灑而成川北流至縣西南入孝婦河水經  
注云瀧水又西北至梁鄒東南與魚子溝水合水南出長白山  
東抑泉口山卽陳仲子夫妻之所隱也其水又逕於陵縣故城  
西王莽之於陸也北流注於瀧水

泔河舊志云源出長白山之東南諸麓東北流米山眾水注焉又



東北流至長山縣城南入孝婦河

淦河在縣南三十三里縣志云俗名濁河源出鳳山北麓石泉瀾溜澗曲崖深漚羣壑東北流逕於陵故城東又北至周村鎮入魚子溝

米溝河在縣南三十五里鳳山東麓卽米泉也二泉跨南北岸水色微綠味殊甘滑北流逕米山西右納馬鞍山西諸澗之水逕太和莊北流至縣南注於孝婦河

石溪縣志云魚子溝水至於陵城西北隅匯爲深潭巨石中立與水上下天將雨雲氣生焉

龍潭縣志云石溪下流數武水勢蜿蜒若龍天陰欲雨往往見龍挂旱時禱之輒應

濟南府志

山水三  
長山水

九

天井泉在縣西南三十里舊志云長白山之陰天井峪壁有朗明洞泉覆洞門注下縣志云在白雲山腰五龍堂有石龕曰朗明洞泉自洞出色淡黃飲之寒冽戰齒諺稱爲聖泉舊志趙淳文以爲范文正公讀書處禱雨輒應

珠玫泉在縣西南三十二里縣志云在鎮山西稚水滌流宛若珠湧可飲可憩行人利焉

黃龍泉在縣西南三十里縣志云鳳山東麓微涓石溜北流入魚子溝

飲鳳泉在縣南二十里縣志云周鎮淦河西岸深三四尺甃石爲池澄滋甘美爲茗飲之最

淦泉縣志云在周鎮淦河西畔距飲鳳泉僅里許汲者絡繹蓋周



鎮井水悉苦泉獨甘滑故也

對龍泉縣志云在周鎮下河魚子溝南岸登石圍之淵深澄綠北對龍王廟故名

傘泉縣志云魚子溝至於陵城西有石特立如張蓋泉出其側因以名云

柳蔭泉縣志云在周鎮西北隅亦登爲池旁植柳可飲可憩古泉在縣南二十里縣志云古城東舊有古泉驛

按長山之水舊志只四條茲以通志及縣志考之以河名者八以水名者一以溝名者一以溪名以潭名者各一以泉名者九以類附焉

新城水

濟南府志

卷七

山水三  
新城水

十

小清河在縣北二十五里詳總敘

縣志云小清河濟水之支而東行者也鄭樵通志畧曰濟水東北過華不注山華水入焉又東北過鄒平縣時水入焉又東北過樂安故城南又東北過利津縣西又東北入於海續縣志云自灤水消水入大清後以章邱縣東陵山瀨水爲源會長白山陰湖山之水至陶唐口之東入縣境又東十五里爲軍張道口其陶唐口決水入清沙泊者亦自道口還河又東十五里至岔河自濬開支脈溝洩水十分之七以岔河故道洩十分之三近多淤塞開濬爲急

孝婦河在縣北二十里詳總敘

縣志云孝水在城西北二十五里今經長山縣至縣西北岔河



與小清河邇來上流衝決西北居民多被其害續志云舊由邑之西營至岔河會小清河康熙三十三年由長山呂家口東決邑令孫元衡詳請順流修治越長山繩家莊入縣境歷新橋至壩頭南折會鄭潢溝入麻大泊乾隆三十一年又由順河莊至陳家橋東與鄭潢溝合乾隆三十六年決北薛家莊至陳莊東匯爲湖

烏河在縣東三十里通志云卽益都縣之時水北流逕索鎮入邑境過索鎮橋東北逕麻大泊入博興縣界縣志云時水俗曰烏河所謂幽之浸曰菑時是也然二水皆在青州之域通志畧曰時水一名衫春秋襄三年齊晉盟於衫是也其源歧淺多涸竭又名乾時莊九年公及齊侯戰於乾時是也水經注時水出齊

濟南府志

卷七

山水三  
新城水

七

城西南二十五里平地出泉卽如水也亦謂之原水水色黑又名黑水今按時水之源南近淄水詳其地形水脈蓋伏淄所發土人名曰烏河時水又北至般陽新城縣東南索鎮口下可通舟楫又北至博興南地名灣頭灤水會焉又東逕利縣故城又東逕樂安縣北又東北由馬車瀆入海水經注謂時水自西安城南石羊堰分爲二支津西北合黃山之德會水黃阜之南五里泉至梁鄒入濟旱則乾涸此乾時也今不通矣欽嘗自濟南由小清汎舟東下至博興沂時水南上至索鎮而登陸去益都僅九十里耳益都諸水惟此通舟未嘗淺涸焉按時水本北流入灤其水深廣詎有涸竭之理所謂乾時者乃指枝津西北流合德會水者言之耳邑人王阮亭有菑時隸幽州辨見藝文續



縣志云時水無變移其水利之興由裴公宗錫守青州因公至湖上謂可以廣殖稻田旋調濟南府陞濟東道言於上憲乾隆二十四年巡撫阿公檄裴公及縣令翟璘勘視時水下流荒地可墾稻田者借給資本自李家莊左右開溝十餘以資灌溉下流爲牖以時蓄洩瀕水之地漸爲沃壤乾隆三十六年邑令張文炯爲魚龍灣擴其溝廣七八尺五十八年邑令劉大紳又擴丈有三四尺於是魚龍灣稻荷亦盛

梧河縣志云在南郭外舊志一名系河按水經注系水出齊城西南所經皆今臨淄縣境與此無涉或曰卽時水枝津西北合德會水至梁鄒入濟者所謂乾時也或曰齊運河故道無考續志云西自長山苑城與孝婦河相接孝婦河溢而東流由此入鄭

濟南府志

卷七

山水三  
新城水

三

潢溝

豬龍河通志云自長山縣范留莊至張店入境逕于家隄西入鄭黃溝逕崔樓易合莊行四十里入於麻大泊

潞淄河通志云源出鐵山逕縣東索鎮口入烏河縣志云源出縣東南三十里王魏莊北流水溢則城東胥溺焉續志云發源益都白馬關自澗西西北行三十里爲張莊橋分馬溝水西通德會水經流北入縣境至魏家莊西直北行至王莊之南岸東有若豕者旁多甘泉傳爲海眼又北至甘魯一莊始有秔稻魚藕之利又北過果子里等村直達索鎮之烏河

麻大泊在縣東北三十里通志云又名魚龍灣俗訛馬踏泊烏河逕其東北孝婦德會一水從西南來俱會於此匯而成湖周圍



五十里跨新城高苑博興三縣之地流至博興縣灣頭仍與烏河合流縣志云錦秋湖在縣東北五十里俗曰馬踏湖又曰官湖在時水西居新城高博三縣之間周迴六十里有魚稻菱芡蒲葦之利元兵部侍郎于欽詩云霜風收綠錦萬頃水雲秋後人取其語名湖王考功遊記謂東坡詩非也東坡未嘗經此邑人徐夜有辨見藝文

麗家湖縣志云在錦秋湖西舊傳麗居士沈金處

青沙湖在縣西北二十五里通志云青沙泊縣志云小清之委溢而成湖水經云濟水又東北過臨濟南鄆注云縣故狄邑也王莽更曰利居安帝永初二年改今名齊記曰有南北二城隔濟水南城卽被陽縣故城也北枕濟水寰宇記云被陽在高苑縣濟南府志

濟南府志

卷七

山水三  
新城水

三

西南今湖之南地曰被陽俗譌北營湖中有石界北高苑南新城

會城湖縣志云在時水東俗曰泊水經濟水又東北迤爲淵渚謂之平州注云溼沃側有平安縣故城俗謂之會城非也按地理志千乘郡有平安縣侯國也王莽曰鴻臚應劭曰博昌縣西南三十里有平安亭故縣也世尚存平州之名矣邑人王考功象春遊記云水經謂此城古平州春秋宣元年公會齊侯於平州是也又云牟莊東北有古城拍浮水面漢封李譚之延鄉城也按齊乘云水經注千乘有延鄉城世謂之從城野溝水出此西北入時水今樂安西北有此城漢元帝封李譚延鄉侯俗又云

會城



鄭溝溝在縣東里許縣志云源出淄川之鬻山北流入錦秋湖續志云發源淄川東北三十里豐水村之龍灣支流西行分德會水北行經流會之西北入長山界北行越九級塔東至范留莊西入縣境東北行至石橋北流至于家隄折而西別分支東北流入湖其經流過格孫城西賈莊溝水入之至馮家橋東龍鬚川入之至崔家樓西龍鬚川入之至城東南會梧河白石溝水北行至姬家橋東北入湖

白石溝縣志云自縣東南來至三岔灣與梧河鄭黃溝合恒涸馬溝續志云自益都張莊橋分澇淄水西行入縣境至張店東與德會水合

東龍鬚溝續志云自郝家園東南上受解家營曹家營諸窪之水

## 濟南府志

### 卷七

山水三  
新城水

十四

六七月閒泛漲滯泊兩岸北入鄭溝溝

西龍鬚溝續志云起自長山麻姑營北過積家莊入縣界由太平官莊至洪福寺東入鄭溝溝

韓水溝續志云自縣西南來入白石溝與梧河鄭溝溝合俗呼韓信溝

東新河續志云邑令王秉彛所開由于家隄分鄭溝溝水東行至姜家坊西北入澇淄河

北新河續志云自于家隄西分鄭溝溝水北行過唐山復歧爲二東由小邢莊北經前後七里莊至諸葛莊入湖西由東營前蜿蜒而西又迤北入湖邑令彭紹謙重濬以開稻田

預備河續志云東北五十里夏莊北穿時水東通會城湖西通錦



秋湖康熙五十七年邑令王僉吉監修乾隆十一年邑令朱任琪挑濬沿湖漸得水田之利

緒河續志云源自臨淄槐石務流入縣境至張旄頭莊匯爲淵又西至索鎮之北入時水

支時河續志云自臨淄六天務北岸而出由縣境至索鎮北合緒河復入時水

月河續志云在清沙泊康熙五十七年挑自陶唐口南岸決口下以便人泊今淤

潞淺河續志云在清沙泊乾隆三十七年挑修以便入軍張道口今淤

沙溝河續志云自臨淄鳳凰山之西西北入縣境至東沙溝河莊

濟南府志

卷七

山水三  
新城水

五

入時水

裙帶河續志云在會城坡之南有村曰鞏家堰頭源自臨淄畫邑北流由此入泊

德會水續志云與鄭潢溝同源自豐水村分支北行又東折而北又西北至紅溝北入縣境會馬溝至張店東繞其北而西會鄭

潢溝於五里橋

新湖續志云西北十二里陳家莊東自孝婦河移徙匯爲巨浸多蘆葦蓮荷然利不敵害

雙連泉通志云在鐵山顛兩泉分穴而連脈擊彼則此動故名馬跑泉續縣志云在馬公山西北方廣一二畝泉出厓下旱澇如

一居民藉以灌園西北入潞淄河



南營泉續志云在城東南三十五里北入澇淄河

迎仙泉續志云在城東南四十里迎仙官莊後山泉隨在湧出匯而爲渠盛夏時雨多水勢反減俗名擇河泉

置硯泉續志云在花山一畝石畔有池邑令劉大神嘗與多士吟詩於此有一畝石邊置硯多句因名

還河泉續志云在城東南畢家莊前冬春不竭流至古城南門入鄭潢溝因近河得源仍復入河故名

魚龍灣縣志云在錦秋湖中水旋渦不定傳是龍窟天將雨往往見龍挂雨罷還歸於此

按新城之水以河名者十三以泊名以灣名者各二以湖名者三以水名者一以溝名者四而入河之泉有六以類相從

濟南府志

卷七

山水三  
齊河水

六

焉

齊河水

大清河在縣東門外詳總敘

縣志云在縣東半里卽神禹所疏濟水故道也今水自漁山出而其實非源之所自始也按河源出河南懷慶府濟源縣王屋山上有黑龍洞太乙泉是爲沈水潛行地下至共山南復出水有二源皆平地周圍各七百餘步逕原城東北合流爲濟水東至溫城西北分爲二其一爲南濟歷鞏縣逕成臯過滎陽濟黃河而南矣其北濟故瀆自溫城西北東過陽武縣故城北逕延津縣界東過封邱縣北及故宋地濟陽縣北或伏或見東出於定陶縣之陶邱北東逕曹縣地入鉅野澤東北逕壽張縣西界



安民亭南東合汶水東臨東平州故無鹽縣界又北至棘城西  
大清之名始見亦謂之鹽河北逕漁山東東北逕清泉東北逕  
平陰縣城西又北過防門逕什城北祝阿人孫什將家居之以  
避時難者又東北逕盧縣故城北與中川水合長清縣南沙河  
也北至齊河縣南界張村集又合長清北沙河東北流凡河東  
南岸皆長清地西北岸皆齊河地至齊河城南逕城東過大清  
橋北百餘步右合玉符水又東北灤水注之濟南諸泉於府北  
合流北注於濟謂之灤口東逕華不注山北東北至濟陽縣逕  
城南城東東北逕齊東縣城北東北至利津縣逕城東東北至  
淀河又東北至淀臺入海

徒駭河在縣北四十里詳總敘

濟南府志

卷七

山水三  
齊河水

七

縣志云在縣西北八十里上自東昌府高唐州經禹城臨邑濟  
陽等縣東趨於海卽禹疏九河之一

趙牛河在縣西二十里詳總敘

縣志云卽舊利民河在縣西三十五里西南至長清連楊隄西  
北至禹城界長百餘里至三岔口入徒駭河地勢窪下夏秋水  
溢淪沒禾稼民甚苦之明宏治十七年知縣趙清縣丞牛文增  
掘河道面寬三丈底寬二丈深五尺至今賴焉故名趙牛河

倪倫河在縣西二十五里通志云洩楊家坡水自鄭家坡逕孟家  
店趙良屯又西北流爲溫聰河逕大劉家莊張保屯入趙牛河

縣志云在縣北二十五里晏城南因楊家坡水溢鄉民倪倫修  
河以洩水勢時謂倪倫河有石碑在縣西八里莊康熙五十年



五十五等年貢生董丕基駱珍等呈請修浚居民賴之

刁強河在縣東北四十里通志云自懷家窪匯流北逕米家窪李方大屯又西北爲丁聰河逕孫耿鎮錢官屯入趙牛河縣志云在縣北四十里以洩米家窪積水

玉符河舊志云源出朗公谷逕齊河縣大清橋北合大清河北流入海自泰山北溪壑諸水皆會此水經云濟水又東北右會玉水注云水源導朗公谷舊名琨瑞溪有沙門竺僧朗少事佛圖澄隱於此谷因名朗公谷其水西北流逕玉符山又云玉水西北逕獵山東又西北枕祝阿縣故城東又西北至郭家岸卽今之開河店入大清河縣志云在大清橋北水自東流來合大清河北流入海其水逕長清地而凡齊邑赴會城者過大清橋則

濟南府志

卷七

山水三  
齊河水

六

必逕此春冬止需土橋夏秋大雨時行自泰山北一帶川谷溪壑皆會此入濟其水暴漲波浪湍急官府行旅往來皆齊河設船以待

溫聰河縣志云在縣西北二十五里滕官屯西因劉宏坡秋水汎溢鄉民溫聰修河以洩水勢卽倪倫河分支也時謂溫聰河丁聰河縣志云在孫耿鎮南卽刁強河下流

按齊河之水通志載其五縣志載其八皆可補舊志之闕也

齊東水

大清河在縣北一里詳總敘

縣志云大清河卽濟之故道也由兗之柳溝泉經長清齊河歷城濟陽等縣至鄆家渡入本縣境蜿蜒向東紆迴百里東至歸

仁鎮入青城縣境至蒲臺縣境歸海

減水河在縣東二里通志云自章邱縣之陳愷溝至薛渡口舊牖  
逕管家橋入邑境又東北逕麻姑堂張虎鎮由永濟橋共行四  
十八里入大清河縣志云一名陳愷溝明成化元年開濬西南  
引章邱白雲湖經小清河至管家莊入本縣境紆迴四十里北  
入大清河

壩水河在縣西南二十里通志云卽章邱縣之繡江河自新莊入  
境逕草廟余家莊曹家馬頭紆行二十五里至延安鎮入大清  
河縣志云在延安鎮西二里明成化十一年邑令李寬開濬用  
洩歸蘓鎮禾稼之水南引章邱之白雲湖經鄒劉二溝由新莊  
入本縣境紆迴二十五里至延安鎮西二里入大清河

濟南府志

卷七

山水三

齊東水

九

禦寇河在縣西南三里縣志云明正德六年山東流賊蔡巡按御  
史張濬詣河所畫封界命知縣武寬開濬防禦南通減水河北  
通大清河蜿蜒二里今名乾河

德異泉在儒學明倫堂左通志云平地湧泉味極甘美

聖惠泉在延安鎮文廟旁通志云味甘而香延安鎮卽宋之夾河  
巡檢司也

按齊東之水以河名者四泉名者二舊志脫畧據通志及縣  
志補之

濟陽水

大清河在縣南門外詳總敘

縣志云大清河濟水也由河南濟源縣發源經東阿長清至歷



城任家岸入境繞縣城東南至齊東延家岸出境計長八十五里爲鹽運往來通津亦曰鹽河由蒲臺利津入海其見於漢桑欽水經云濟水出河東垣縣東王屋山爲沆水又東逕濟陽縣故城南又東過濟陽縣北濟也又東至乘氏縣西分爲二南爲沔水北爲濟瀆又北逕漁山東左合馬頰水自魚山北逕清亭東又東北灤水入焉又東北逕華不注山又東北過臺縣北又東北合芹溝水又東北過菅縣南又東過梁鄒縣北又東北過臨濟縣南又東北迤爲淵渚謂之平州又東北逕樂安縣故城南又東北過利縣西又東北過甲下邑入於河又東北入海又云邑以濟得名水經云東逕濟陽縣故城南注指爲陳留縣則漢之濟陽爲今開封府屬也城在濟水之陽故以爲名此吾

濟南府志

卷七

山水三  
濟陽水

三

邑襲名之權輿矣自濟陽縣北逕煮棗城則晉所改之濟陽爲今曹縣而非復漢之陳留矣自魚山北逕清亭東注援宋公遇清且謂濟水通得清之目此卽吾邑以濟爲清之始今且以清掩濟之名矣東北灤水入焉逕華不注注以灤口釋之則今吾邑大清河之上游也自是而下當入吾邑界內曰東北過臺縣北按邑東北仁風鎮傳爲舊馬防城考宋武帝初立東魏郡治馬防城後改治臺縣城馬防本臨邑東南割入縣境則臺城今臨邑地也注引譚城則今章邱地也是濟邑在昔爲章邱臨邑分治之徵也曰東北過菅縣南注引百脈泉逕陽邱故城按邑在漢爲陽邱縣地濟水過菅縣南則菅縣正如今治在濟水北想金之設縣諒有舊蹟可依必非憑空建置而今不可臆斷矣



其由河入海昔人已辨其非然以今之源流分合質之桑經酈注則吾邑清濟滄桑未爲變遷猶然禹甸之原隰而想見明德之遠也

又云通志云濟汶合流實汶水故道也又云濟陽縣在大清之北本漯濱也是混濟汶漯清爲一矣攷汶水不入邑境漯水入於徒駭惟清之入濟見於水經注中在金以濟名邑則清水實濟水非汶亦非漯也

徒駭河在縣西七十里詳總敘

縣志云徒駭河漯水也在縣治西北源自聊城運河東岸龍灣減水牯滾水壩洩水東北逕博平高唐在平禹城齊河至臨邑縣夏口入境至商河縣南河頭出境計長四十五里又東北至

濟南府志

卷七

山水三  
濟陽水

三

商河之梁家道口入境又東至盧家溝出境南河頭以下北岸盡屬商河南岸則濟商兩邑犬牙交錯又東經惠民濱州至霑化之久山口入海水經河水東北入武陽縣東有漯水出焉又東北過高唐縣界又東北逕援縣故城西又逕高唐縣故城東又東北逕漯陰縣故城北又東北逕著縣故城南又東北逕崔氏城北又東南逕東朝陽縣故城南又東逕漢徵君伏生墓南又東逕鄒平縣故城北又東北逕界東鄒城北又東北逕建信縣故城北又東北逕千乘縣二城間又東北爲馬常坑又東北逕楊墟縣東商河出焉

又云水經及注謂漯水出高唐武陽通志云今朝城尚有故陂遺蹟又云自高唐以下名徒駭河則又直以徒駭爲漯水也水



經云東北逕著縣故城南今濟邑曲隄鎮爲著縣故城徒駭水經焉是亦潔水爲徒駭之一徵也酈注云東北至琅槐鄉有古黃河通濟枯渠謂之潔河又云今所輟流惟潔水耳則潔水在昔已成枯渠大抵分合遷徙水自靡常以潔水移入徒駭遂以徒駭目之亦猶濟水合清遂以大清河目之云爾

商河在縣西北五十里通志云俗名土河縣志云舊志土河或曰卽古夾馬河考之通志載商河自濟陽新市起至溫家橋入商河界卽今夾馬之水而於上源無考今查夾馬河源在禹城縣西北隅二十五里九都八圍王家莊前地形窪下積流成河至德州衛二十五里經衛地四里入臨邑縣境黃照家莊四十五里復有楊家窪喬家窪龍窪大窪數處雨水一集俱入此河至

濟南府志

卷七

山水三  
濟陽水

三

李家莊入濟陽縣境四十八里至溫家橋入商河縣境四五里至瓦屋頭又入濟陽縣境十二里又入商河縣境一百四十五里至惠民縣境一百一十四里入沙河十四里至濱州所屬之呂家橋三十里而入徒駭河並入於海其在邑境自朱家橋下北岸分二岔一逕段家橋雙柳樹董家莊至溫家橋與幹河合此今夾馬河之源委支派也然則舊志之土河通志之商河卽古滴河實卽夾馬河也故爲條晰紀之

枯河縣志云在縣東二十五里本清河灣曲之處元以漕運嫌其水曲故徑開之舟行得便其水皆入新河故有枯河之名

黃河故道縣志云通志以今輿地言之濬縣清豐觀城聊城平原陵縣商河齊東惠民蒲臺利津諸州縣界中皆唐歷五代以及



宋初黃河之所行也金章宗明昌五年河徙自武陽而東歷延津封邱垣蘭陽東明曹州濮州鄆城范縣諸州縣界中至壽張注梁山濼分爲二派北派由北清河入海今大清河自東平歷東阿平陰長清齊河歷城濟陽齊東惠民青城濱州蒲臺至利津縣入海者是也

萬工河在縣西南七十里通志云南自興同庄之流水溝起逕太平莊前分爲二支一西北出夏口橋一東北會哈叭溝官莊之水同入徒駭河縣志云萬工溝雍正三年邑令郎作霖新開以厥工數萬故名

趙家蓮糧河縣志云在縣西八里杜家水口之上

楊家河縣志云在縣西二十五里乃支家河上遊也

### 濟南府志

#### 卷七

山水三

濟陽水

三

支家河縣志云在縣西三十里上有支家橋下遊入王山家河溝東中開河縣志云在縣西三十里王山家河之西

趙清河縣志云在縣西北四十里上有邢家庵其坡名庵子坂

流浪河縣志云在縣東七十里羅家窪盧家溝之上

白浪溝縣志云西北四十里一名哈叭溝長八里

淮里溝縣志云西南二十里一名張家溝

王山家河溝縣志云西三十五里

陳家河溝縣志云杜家水口之東

玉皇溝縣志云北三十里

十八灣溝縣志云西北四十里安平莊北長二里寬七八尺不等

象子溝縣志云東六十里



如意溝縣志云萬工溝西新開如意溝三道一曰高白瑩溝一曰岳王莊溝一曰西太平溝萬工溝東新開如意溝三道一曰大太平溝一曰哈叭溝一曰小太平溝又白浪溝東新開溝一道田家屯新開溝一道索家廟東西溝二道訥約新開尚家河溝一道北崔官莊新開溝一道縣志云以上新開溝十二道長三千一百五十餘丈寬三尺深二尺四五寸不等係乾隆二十七八年內邑令胡德琳督役又新濬舊有無名小溝並詳於後戴家莊無名溝一道在縣北五里長三里寬三丈餘尺不等水流達於大溝

潘家橋徒駭河北岸小溝三道 路家橋西小溝一道  
白浪溝北岸小溝三道

濟南府志

卷七

山水三

濟陽水

四

羅家橋南北俱有小溝一道而南岸之溝又分三支

孟家橋口南北兩岸各有小溝一道

孟家橋下堦石橋上南北兩岸各有小溝三道

堦石橋口南岸有汶河一條分爲五支

堦石橋北岸左右小溝二道 米家橋南岸小溝一道

米家橋北岸近東小溝一道 米家橋東土橋溝一道

商家橋東南岸近黃郎務寺水溝一道

劉家道口近東水溝一道分爲三支

梁家道口東小溝三道 高橋東小溝四道

見視渠長四里縣志云以上溝渠共三十四道

東鄉羅家窪一區東西長十二里南北寬五里

東鄉流浪河窪一區東西長四里南北寬三里

東鄉溫柔約窪一區東西長九里南北寬四里

南鄉大庵窪東西長十一里南北寬五里

西南鄉西太平窪一區東西長十三里南北寬五里

西鄉田家屯窪長八里寬五里

西鄉淮里窪長四里寬二里

西鄉東中開河莊窪一區長六里寬三里

西北唐家廟等處窪一區長七里寬四里

西北鐵梁寺等處窪一區長八里寬六里

北鄉玉皇廟等處窪一區長六里寬三里

西北鄉南崔莊窪一區長五里寬三里

### 濟南府志

#### 卷七

山水三  
濟陽水

五

西北鄉大官莊窪一區長四里寬三里

霍家窪周圍約十五六里在夾馬南岸霍家樓之東

雷家窪周圍五六里在夾馬北岸

冢窪一名老海 孟家窪西北二十八里

白草窪西北十六里 王家窪西北十五里

高家窪崇興寺東北八僊廟側釣魚臺之上

康家窪距高家窪里許 馬家窪附近流浪河孟家井

姜家窪距姜家屯一里

再家窪鄧家窪馮家窪白家窪縣志云以上四窪在縣南二十餘里俱近大庵窪按濟境水窪共計有二十七處

縣志云按東省河渠有溝口道口之名道口乃水涸時車馬之



道溝口則順水入河之口也但遇春融須先築壩使河水至不能內溢而坡窪各水且蓄溝內俟河水退然後開放此定例也又云宣防之法河道爲經溝窪爲緯經以理之緯以比之總之窪瀉於溝而窪治溝達於河而溝治河注於海而河治縱橫分合度地制宜因勢乘便黜私智焉歸於以利爲本也

按濟陽之水通志載三河一溝茲據縣志載之以補舊志之缺

### 禹城 水

徒駭河在縣西三里詳總敘

通志云邑志作鬲津河故城西門曰鬲津門跨河之橋曰鬲津橋今上自高唐州下而齊河等縣俱名徒駭禹城一縣何得自

## 濟南府志

### 卷七

山水三  
禹城 水

美

異然所謂鬲津者亦未必爲禹疏之鬲津也以今河而被以古名者獨一徒駭也哉縣志云卽古漯河居人曰土河舊志又曰鬲津河按今爲運河洩水之河其形由聊城縣東岸龍灣減水舖濠水壩洩汶水並陽穀莘縣積水入之東北逕博平在平高唐至葛戶屯入縣境東北流逕油房橋折而東至尚家橋南與漯河合逕董家橋折而北環城而東至張漢橋入齊河界趙牛河右入焉東北逕臨邑濟陽商河惠民濱州霑化之久山口入海又云漢許商曰九河徒駭最北鬲津最南孔穎達云徒駭在成平鬲津在鬲縣地理今釋云德州西南有鬲津河東逕吳橋寧津德平樂陵慶雲至海豐大沽口入海是西河非鬲津明矣又云滄州之西交河之東北有徒駭河交河漢之成平是西河



非徒駭明矣說文云漯水出東郡武陽桑欽云出平原高唐地理今釋云朝城有漯河坡禹城西二里有漯河一名源河又名土河通志云漯水自朝城西南諸陂流東北入陽穀界又北注魯家隄決口入莘縣界又東北復入陽穀界又東北入聊城界又東入運河自運河東岸減水牯分流注七里河入博平高唐界俗名土河舊志遂謂之徒駭也案朝城漢東武陽禹城漢高唐地則西河爲漯河故瀆無疑但相沿已久上下諸邑志皆曰徒駭蓋傳訛也禹貢雖指云漯首受河自黎陽宿胥口始周定王時河徙東行漯川漢時河決館陶上游悉爲河占水經及說文所云出東武陽出高唐者據西漢末後言之也

聖經河在縣西南五十里通志云卽在平縣之管氏河也行境內

### 濟南府志

#### 卷七

山水三  
禹城水

七

四里行長清縣境內五里復入境內與新河會至水牛李家莊與趙牛岔河會又西北行與漯河會同入徒駭河縣志云自縣境楊家集前匯水南入長清界復入縣境北流趙牛岔河右入焉至顯濕橋北入於漯

新河在聖經河北通志云自在平縣紅廟橋入境逕李發橋入聖經河

趙牛岔河在縣西南四十里通志云自齊河縣入境行二十二里入趙牛河縣志云趙牛河洩水之渠也分水西流逕縣境入聖

### 經河

趙牛河縣志云原名利民河明宏治十七年齊河知縣趙清縣丞牛文增疏之民賴焉故名由齊河至王家橋入縣境經戚家橋



至齊河三岔口入於徒駭

舊黃河縣志云水經注河水東北逕阿陽縣故城西在今縣南十里寰宇記古黃河在臨邑縣南二十里上從禹城縣入臨濟縣界通志云西南自齊河接于梁山北過臨邑縣西南四里曰大土河秋冬俱涸夏水漲溢從禹城流入縣界東接濟陽黑水灣北流至樂安縣白龍口入海又云按此爲東漢後之故瀆也故水經附漯水條下蓋河絕漯瀆而復北出也今城北三十里有沙河下通臨邑土河疑卽此

熙河縣志云在高唐東南三十里東北入禹城卽古屯氏河也漢武帝旣塞宣防後河復北決于館陶分爲屯氏河東北入海廣深與大河等元光五年河決清河靈鳴犢口而屯氏河絕

濟南府志

卷七

山水三  
禹城水

三

漯河縣志云水經水東北逕援縣故城西在今縣南百里又逕高唐縣故城東在今縣南五十里舊志云城西二里許有河相傳以爲漯河按今河形田在平至邵家莊入縣境東北流至顯濕橋管氏河右入焉又北聖經河右入焉此下俗曰葦河以多葦故名至尉莊三岔口與徒駭河合又云按通志以徒駭河爲漯河故瀆與諸家說多相符此河或漯之支流決而復入如江之有沱汜也沿河六七十里土人皆曰漯河其橋曰顯濕濕古漯字

管氏河縣志云由在平至劉家莊入縣境東北流經普渡橋至顯濕橋入於漯

趙王河縣志云宋運河故道也由平原入縣境經黎吉寨北經平

原縣之水務莊復入縣境折而北入陵縣界下游諸邑志曰鈞盤河

十里河縣志云由石家屯東北流入趙牛河今訛爲十女

辛寨南渠縣志云起苗家林逕辛寨循官道而東至王家橋入於溧

辛寨北渠縣志云起鐵掀莊至王家橋入於溧

小簡河溝縣志云起韓家寨逕劉普站循官道而東至西石橋入於徒駭

東趨河縣志云起祝家莊逕小窪至張漢橋入於徒駭

不忍渠縣志云起土窪至任家道口入於趙牛河右五渠皆知縣韓錫胙濬洩徒駭以南積水者也

### 濟南府志

#### 卷七

山水三  
禹城水

完

順水土河縣志云亦韓錫胙濬洩徒駭以北之水者也起窪王莊逕來鳳店至張老虎莊入臨邑土河

南龍灣縣志云在城南龍王堂

北龍灣縣志云在城北朱家莊

臥龍灣縣志云在安仁店灣下皆有泉春冬不涸東注曹家營入霍家井縣志云在縣治北

管家井縣志云在皇城餘井多鹹俱不載

按禹城之水通志載其四縣志載河十三渠三灣三而二井附焉俱舊志所未載

### 臨邑水

徒駭河在縣東南詳總敘



縣志云古徒駭河由齊河縣逕邑之下口至城東南二十五里俗名之曰土河新志云河自宋以來日益南徙邑之河患少殺矣攷漢成帝世河決館陶入平原千乘濟南等郡水居地十五萬餘頃後二歲復決平原流入濟南千乘所敗壞者半建始時則臨邑在漢時受河害者屢矣按水經河水故瀆東北歷長隄逕溫陰縣北又東北逕陽阿縣故城西應劭曰溫陰縣南五十里有陽阿鄉故縣也溫陰宋本作濕陰又東北逕濕陰縣北今臨邑地河水自平原右逕安德東而北爲鹿角津今臨邑縣有鹿角關唐時置卽此津之上東北逕般縣樂陵枋鄉厭次縣故城南厭次河右逕濕陰縣故城北又東北爲濕沃津東逕千乘城北過甲下邑入海是可證臨邑爲河水入海之道矣自東漢

濟南府志

卷七

山水三  
臨邑水

三

治河偶合禹迹故迄唐無河患至高宗永徽五年齊州黃河溢迄昭宗時凡數決而仍北徙入海元和郡縣志河自汲縣南東北逕靈昌縣逶迤數千里而東逕臨邑縣北又東逕臨濟鄒平等縣入海通鑑周世宗顯德元年河隄成分注河自楊劉至於博州連年東潰分爲二派匯爲大澤瀾漫數百里齊棣菑諸州湮沒田廬不可勝紀久不能塞至是隄成自後河益南徙而臨邑境之河患始稍息

馬頰河縣志云北過臨邑縣逕盧城蒲臺鄒平樂安諸縣界東流入海支分散漫

鈎盤河縣志云逕臨邑德平尋陽信入海又云以上三河爲禹行水故道皆以洩黃入海新志云一統志鈎盤自濟南府陵縣東



南臨邑縣西南入德平商河之閒東逕陽信霑化入海

漯水縣志云水經稱漯水東北逕漯陰縣故城注云漯陰縣卽黎邑新志云禹貢浮於濟漯達於河孟子曰淪濟漯而注之海漯與濟並稱穆天子傳讀書於犁邱飲馬於漯水臨邑舊稱荔邱實漢漯陰之地按漢書地理志漯水出東郡東武陽至千乘入海程氏以爲此乃漢河與漯水殊異蓋河自宿胥口東逕東武陽漯水首受河處當自宿胥口始自漢成帝河決館陶由東武陽絕漯水而東北至高唐今禹城縣則謂自東武陽始者特據漢成帝時漯水言之耳東武陽今之朝城漯水自朝城北注聊城入運河復自運河東岸龍灣減水壩洩水插分流注七里河入博平縣界又北至高唐州界會徒駭河之水東北逕在平縣

濟南府志

卷七

山水三  
臨邑水

三

入禹城縣界復入齊河縣界東北至臨邑縣境廣惠橋博濟橋至齊家集凡行一十三里復入齊河縣界逕長莊復入臨邑境逕閻家橋至潘家橋凡行五里至濟陽縣界又云徒駭河俗名土河禹城以南謂之漯水禹城以北謂之徒駭河蓋漯水移入徒駭河而人遂以徒駭河總名之也

沛水縣志云按山經地志稱沛水出臨邑舊有沛神廟漢時使持節侍祠臨邑界中泉爲突出迄今無考

濟水縣志云周官職方氏稱之曰河濟風俗通曰濟水出常山房子贊皇山東入沮浮沈達濟又水經云濟水北過臨邑東則邑界於濟也明矣新志云濟水源出河東垣縣王屋山至乘氏縣西分爲二南爲清澤北爲濟瀆自魚山逕清亭北過臨邑縣水



經注縣有泝廟王莽之穀城亭也是爲漢之臨邑與今地無涉  
又北過在平縣又北逕華不注山又北過臺縣按宋武帝平廣  
固置東魏郡治馬防城以臨邑屬之後改治臺縣城故馬防又  
爲臨邑故城而章懷太子注後漢書遂與漢之臨邑牽合爲一  
漢書齊武王傳注云臨邑故城一名馬防城而邑人邢昺犁臺  
文獻錄遽援此以駁馬防城之非濟陽地則亦未之深攷耳蓋  
馬防城在今濟陽縣西北境而臺縣則今之臨邑地也是濟水  
故瀆之行於臨邑縣地者按臺縣卽莽之臺治與著縣並隸濟  
南郡著縣爲今濟陽地則臺縣之爲今臨邑地益信

小洪河通志云在縣南四十五里

沙溝水通志云在縣南二十里縣志云沙溝河按水經注沙溝水

濟南府志

卷七

山水三  
臨邑水

三

南出大河之陽泉源之不合河者二百步其水北流注商河界  
商河在臨邑東北水之源當在臨邑南

青陽河通志云在縣南四十里以上三河皆無源之水通塞不常  
故逕行出入俱不載縣志云小清河一名青陽河在城南四十  
里由禹城漸入於海續志云攷章邱之小清河由鄒平入高苑  
新城二界一枝東流逕黑水灣亦臨邑地通志收之則青陽河  
之爲小清河亦未始無徵耳

瓠河縣志云水經云瓠河東北過臨邑按瓠河卽瓠子河亦洩黃

故道

黑水灣通志云在夏口東縣志云在下口東

婁家泊通志云在夏口西縣志云婁家灤在下口北



九龍口縣志云在城西二十五里

趙游河在縣南四十里縣志云宋運河故道由平原入縣境而北入陵縣諸下游其在邑境者則俗名上口下口是也又云以上數河亦三河支流至於刀環水鵲山湖皆不屬邑境

汜河縣志云自城南直達東北此似獨爲一河故書之邑以此得名新志云上從禹城新集鎮入境逕城西前後倉柳行而北抵鍾家河溝迤東轉南又東北至蕭家莊入商河界

夾馬河新志云源在禹城縣西北隅王家莊地形窪下積流成河至德州衛行衛地四里入臨邑縣境黃照家莊四十五里復有楊家窪喬家窪龍窪大窪數處雨水一集俱入此河至李家莊入濟陽縣境四十八里入商河縣境一百四十五里至惠民縣

濟南府志

卷七

山水三  
臨邑水

三

境入沙河復至濱州行三十里而入徒駭河竝入於海

小河縣志云一名八頭河又名八道河今周家道口有八道河橋相傳滹沱河隄岸陡峻支分八道故名按一支分八道者徒駭河是也徒駭河班固以滹沱河當之不知滹沱河不與古河通昔人已詆之則以徒駭河爲滹沱河非是

按臨邑之水通志載甚公新舊縣志共載十六可補舊志之

缺

長清水

大清河在縣北三十里詳總敘

縣志云卽濟水故道自寧陽界西南流至汶上北四汶村東北經長清齊河等處入海又云此河俗名鹽河以鹽艘常往來也



行縣境內百二十餘里

趙牛河在縣西北四十里詳總敘

通志云趙牛河自在平縣杜家窪匯水爲源東北流逕東阿平陰境至楊家橋復入在平境又東北流入長清境逕郝家河口東北分支作趙牛岔河其經流入齊河界逕禹城境入徒駭河縣志云在縣西四十里雍正四年至五年奉

欽差監督濬通又云長清境內行四十八里乾隆五十六年重濬

趙牛岔河通志云上承趙牛河之水至連楊陂分支西會管氏河東入齊河縣界

沙河在縣南二十里通志云源發五峯山逕青崖山南滾粟山北又西流至沙河門入大清河縣志云南沙河在縣南二十里源

濟南府志

卷七

山水三  
長清水

三

發三尖頭七僊嶺下經青崖山南滾粟山北西流至沙河門頭入大清河北沙河在縣北三里許至張村入大清河邑人任躋莘沙河源論云西沙河卽舊志南沙河發源於五道陵由釣魚臺西而北折至西沿河莊復西折距縣南二十里至沙河門頭入大清河舊志謂發源於三尖山通志謂源出五峯山非是又玉符河附論云玉符河卽北沙河發源有二一自泰山陰之西側出桃花峪北注至長城舖北合一河莊之西一自泰山陰迤邐東注經明孔山之陽復南注又西折逕合一河莊之北又西兩河合而爲一同北注川路東西山小水盡注此河從城北三里許至張村入大清河舊志未詳發源故論之

中川水通志云源發泰山西麓西流至界首村入境折而西北逕



墊臺長城鋪新莊張夏村小崗山又逕王宿鋪葉家莊西北入  
大清河縣志云南沙河爲沙溝河北沙河爲中川水豐齊河爲  
祝阿澗水有三河總論  
豐齊河在縣東北三十里通志云源出歷城縣南棋子嶺齊城峪  
長城嶺三支會流逕中宮鎮合爲錦繡川西流至嶗山橋入長  
清縣界匯而成河逕豐齊店至開河口入大清河水經濟水北  
右會玉水注云源出泰山朗公峪舊名琨瑞溪其水西北流逕  
玉符山又名玉水又西北枕祝阿縣故城東野井亭西俗謂是  
水爲祝阿澗水北流注於濟縣志云在縣東北三十里自泰山  
北下柳塢都泉諸溪水會而爲流經中宮渴馬崖至郭家界入  
大清河

濟南府志

卷七

山水三  
長清水

五

管氏河縣志云雍正四年至五年濟通

聖經河在縣西北通志云卽荏平管氏河入禹城境行四里入長  
清境行五里復入禹城境與新河會至水牛李家莊與趙牛岔  
河會又西北會潔水入徒駭河縣志云自禹城郎家窪發源而  
來復入禹城境下會趙牛岔河長清境內行七百二十餘丈雍  
正四五年捐給米石勸民一律挑濬又云按通志以管氏聖經  
合爲一河其實是兩河也聖經在趙牛之西管氏又在聖經之  
西通志於長清境內管氏云四里聖經云五里於禹城境內管  
氏云五里聖經云四里今長清縣內管氏河不及四里聖經河  
不僅五里也

巴公河縣志云在潘西里地本低窪屢被水災康熙年間邑令巴



柱朝因勢利導遂成土河民誌不忘因以巴公名焉上自辛屯店三官廟下訖趙牛河楊家河口邑人于紹舜有碑記見藝文道光七年邑令舒化民重爲疏濬有岔河並濬之

月河縣志云在潘東里亦洩水入趙牛河道光七年十月邑令舒化民挑濬三河巴公河長一千五十四丈寬一丈深三尺汭河長一百六十五丈寬六尺深三尺月河長五百三十一丈寬一丈深三尺引水入趙牛河匯歸徒駭入海

石蝦蟆窪小河縣志云在潘保趙牛河之西道光七年邑令舒化民倡議興挑附近二十一村莊出夫四千八百六十名量長五百四十九丈餘挑深四尺引水入趙牛河

水泉峪在城南十五里縣志云于家莊之前有泉一溢出峪口每

濟南府志

卷七

山水三  
長清水

三

遇秋夏水湧流溢由水橋經房家灣西入於河土人苦其渰沒用石掩蓋迄今湮淤

墨池河縣志云在縣東三十里自泰山之東錦陽錦繡錦雲三川合流匯於渴馬崖轉流入筆架山下古名歲山河乾隆年間

聖駕東巡

錫名墨池河下流爲豐齊河

虎溪在靈巖寺山門內西下卽飲馬溝

北溪寺內諸泉之水合入此溪由飲馬溝西流又云龜背石東爲北溪卽飲馬溝東納采泉諸水經三空橋下淤沮伏流至此復見屈曲西南流黃龍泉水自南來入之又西過雨花巖大小橫溝之水雙底谷開泉流各從北來入之其下曰滌思谷又西與



南溪會爲大溪又西石塢泉自南來入之又西北注於沙河卽水經所謂中川也

南溪寺東南一帶山川野泉之水至大石橋西南統入此溪西流十五里入北沙河折北宛曲而流百餘里入大清河又云凌霄峯東爲黃茅岡下爲南溪東導野溝諸水經此南會憩象泉而西注

夾蘆溝水寺東有雙圓峯名東西磨山水東流南折會棋子嶺西曲溝水曰三叉口又西至武家村南北接靈帶河南接紅蒿峪水會爲合一河又西道長城鋪北注於中川又有飲虎池以上皆在靈巖

冷源縣志云在黃山店東南隋昭惠真君斬蛟處俗謂之澇灣

濟南府志

卷七

山水三  
長清水

七

龍灣縣志云在縣治西南四十里冬夏不涸每將雨先有白魚浮游而雲霧烝烝然卽大雨如注土人驗之旱禱輒應

寶家滋縣志云在縣治西北五十里神禹金隄側方圓幾數百畝築隄取水注水處

七仙泉縣東南六十里縣志云又有白石泉眾水相合爲青崖上流

玉珠泉縣志云固山南三里許出山崖下狀如井筒水與地平深不過二尺餘雖大旱河井皆乾而此泉不竭附近數十村莊固山驛馬皆需此水灌溉近泉地數十畝不費人力

清冷泉七星泉縣志云並在五峯山

黃龍泉縣志云在靈巖一名黃龍池靈巖志云在寺西南里許



雙鶴泉縣志云在靈巖法定禪師居此患無水遇樵人指東去不數里有雙鶴飛鳴其下涓涓果得一泉靈巖志云白鶴泉亦名雙鶴泉二泉相並在卓錫泉東十餘步左旁有碑

甘露泉縣志云在靈巖東北泉至甘冽其泉水自石龍口吐出環繞各僧廚舍由大門西溝出靈巖志云在寺東北里許源發大士座下伏流穿垣而出繞甘泉亭下石池委蛇而出旁有靈山第一泉碑

卓錫泉縣志云昔僧法定開創靈巖苦近菴之水迺謀於佛圖澄澄曰何地無水至一處曰此下有甘泉以九環錫杖卓之得泉甘冽遂名靈巖志云亦名錫杖泉世傳爲佛圖澄錫杖卓出者故名流三四步入大石池內合寺皆汲於此名曰鏡池亦曰功

濟南府志

卷七

山水三  
長清水

三

德池

神寶泉縣志云在北峪西北二里下爲瀆米峪水北流西折入於中川

朗公泉縣志云在靈闌峯南北流東折南下三里入靈帶河

華嚴泉縣志云在靈闌峯東二里北流入黃家峪西注於中川又有獨孤泉改名印泉石龜泉臥象泉上方泉觀彩泉醴泌泉以上皆在靈巖

騰蛟井縣志云在明倫堂西教諭孫有敷有碑記

韓姑井縣志云縣東南十五里地名池子村山枯無泉居民苦之韓姑毅然募工穿鑿數丈始及泉人感德之因名

開山井縣志云開山舊苦無水雍正年間戴保段家莊段萃枝捐



贊創修人咸感之立有碑記

佛公井縣志云縣治東二十五里炒米店南孔道之西此地土薄石深向無井泉行旅苦之戴守脩精於堪輿相度地形指其地六丈餘可及泉稟中丞掘土鑿石未及泉而佛中丞陞制府去桑中丞相繼開鑿至十二丈不見水戴守脩縋繩下視及半聞石內有水聲遂以筆記其處命工劊鑿一孔清泉湧出水深五六丈餘旱澇不改至今利之

按長清之水通志只載四河一泉而縣志所載又有河四灣二溪三溝一泐一泉十四井四竝可補舊志之缺

陵縣水

鬲津河在縣西北二十里詳總敘

濟南府志

卷七

山水三

陵縣水

三

縣志云按史記云在鬲縣今相傳在縣治南布政分司前卽其故迹明宏治間增建今儒學

篤馬河在縣東南三里詳總敘

州 縣志云篤馬河按通志在縣西二十五里卽今之土河割屬德州

鉤盤故道在縣東四十五里通志云名盤河店猶有瀦水邑志云卽古鉤盤河也縣志云鉤盤河按寰宇記云在樂陵東南從德州平原來今在縣東四十五里謂之盤河店

白龍灣在縣東四十里通志云名龍家窪縣志云在縣東四十里

俗呼爲龍家窪

覆舖河縣志云按通典在德州安德通志云覆舖河在陵縣西三



里至海豐縣入海今雖堙塞其迹尚存

舊黃河縣志云按通志九河經流故道在縣西四十五里自西南經本縣北境東過武定至海豐入海今割屬德州

馬頰河縣志云按元和志在德州安德今去本縣東南三里許環遶而北通於神頭店俗呼爲馬河蓋德州卽今之陵縣安德卽州附郭也

德水縣志云按通志在縣東十里今俗呼爲十里河  
平原津縣志云按史記正義云德州南有水津焉在縣西十五里  
始皇東巡渡此而疾今割屬德州

舊衛河縣志云在縣北十里按舊志云衛河遶於西北

邊臨浦縣志云按通志在西北十八里今割屬德州名爲邊里鎮

濟南府志

卷七

山水三  
陵縣水

旱

蓮花池縣志云在縣東北十五里

按陵縣之水通志載其四縣志載十二可補舊志之缺

德州 水

運河在州西一里詳總敘

舊志云衛河在城西門外卽漢之屯氏河隋大業中疏爲永濟渠亦名御河其源自河南衛輝府輝縣合滏洹淇三水東流至館陶界與漳河合至臨清州界與會通河合自武城縣鄭家口北來入境至州城下又北至桑園出境經東光滄州天津至直沽入海東南漕運商綱官舫外國朝貢皆由於此

新志稿云河道分三段州衛分管舊志河道南自新甯口起北至八里堂止中間五十餘里係一州兩衛畫爲十四段分管雍



正十二年又分段落

南自直隸故城縣界白馬廟起北至恩縣蔡家莊止係衛管河道計五十四里內北岸有故城縣分管河道四里南岸有恩縣分管河道十二里五分衛管河道實四十一里五分是爲衛管南運河

南自恩縣蔡家莊起北至德衛界哨馬營石壩中心止係州管河道計四十五里是爲州管運河

南自哨馬營石壩起北至柘園鎮北半截碑止係衛管河道計七十里是爲衛管北運河乾隆二十六年因德衛運河兩岸人夫不敷應用奉文將南河隄埝歸恩縣添撥民夫修理北河隄埝歸德州添撥民夫修理

濟南府志

卷七

山水三  
德州水

望

運河故道新志稿云運河昔日皆自上馬頭北行至大西門馱水口外折而西北繞過黃店又折而東至迴龍壩循城根北行小西門距河僅數步至小鍋市又轉西北前明以來並無改河之事

國朝雍正十二年因河水東嚙逼城門太近乃自黃店南築壩遏塞舊道不令東折開新河從小西關外東北流至小鍋市南接合舊流自黃店東至城根又北至小鍋市南遂爲廢河乾隆二十八年因河決黃店又自上馬頭築壩遏塞舊道開新河從三里莊至新浮橋口南接合舊流而自上馬頭以北過馱水口以至黃店又爲廢河兩次改河德州城西可免河患而城北城東水無去路動被淹浸則無如何者也



老黃河在州南三十五里詳總敘

曹州志云古黃河在州東南二十餘里今謂之黃河厓自州適平原陵縣德平皆由之水經云大河故瀆又東逕平原縣故城西而北絕屯氏三瀆北逕繹幕縣故城東北西流逕平原高縣故城西又北逕齋縣故城東又北逕安陵縣西又云河水又北逕平原縣故城東又云河水自平原左逕安德城東而北爲鹿角津史記秦始皇東遊海上西至平原津而病韓信渡平原襲齊歷下軍皆當在州境上今爲枯瀆矣

新志稿云老黃河逕州城南三十里又逕州城東蓋卽水經注所謂大河故瀆亦屯氏河故瀆故後人相沿名曰老黃河始自直隸元城縣至臨清州踰會通河逕清平夏津恩縣入德州界

濟南府志

卷七

山水三  
德州水

星

至九龍廟口有恩縣四女寺減水壩支河水入之是爲南支河又東北逕黃河厓擡頭寺果子李莊尹家莊青楊寺畢薛店入吳橋界與北支河合逕樂陵至海豐入海

減水引河通志云一在四女樹一在哨馬營  
北支河新志稿云在城北哨馬營乾隆元年所開運河東岸有滾水壩夏秋盛漲則洩水入北支河東北流逕直隸吳橋縣界與老黃河合

鬲津河在州南四十里詳總敘

舊州志云鬲津河在城東七十里漢書溝洫志許商言九河之名有徒駭胡蘓鬲津今見在成平東光鬲界中自鬲以北至徒駭間相去二百餘里明一統志云鬲津枯河自齊河經禹城平



原德州德平樂陵慶雲至海豐入海今遺跡多不可尋矣

新志稿云鬲津河在州城東南六十里據通志亦自平原匯流東北入德州界逕王滿店至萊園莊入陵縣界東北入篤馬河今則既過王滿店北至雨淋店東五里東逕陵縣城南又屈逕其城東北入馬河此乃民間之順水河夏秋淋潦則有水否則乾竭並非禹河舊跡以德州宜有鬲津故取以名之蓋新河而被以舊名也

鈞盤河新州志稿云九河故道鬲津鈞盤兩河皆在德州爾雅九河鬲津之北卽爲鈞盤漢志平原郡有鬲津許商又言鬲津在鬲縣金史將陵縣有鈞盤德州正爲漢鬲縣金將陵縣地故知二河宜在州境東南爲鬲津東北爲鈞盤但自春秋以後闕塞

濟南府志

卷七

山水三  
德州水

壘

填淤徒決疏濬滄桑之變不知其幾其名雖存其溝渠則不可指也或謂鈞盤河在南皮不宜在德州不知鬲津鈞盤雖在德州又東北行二三百里而後同爲逆河此二三百里中縣邑多矣河既過此縣縣卽宜有此河鈞盤在德州何妨復在南皮必謂既逕於此卽不宜復逕於彼亦膠柱之見矣

篤馬河舊州志云在城東四十里漢地志平原縣有篤馬河東北入海五百六十里溝洫志丞相史孫禁請決平原金隄開開通大河今入故篤馬河水經屯氏別河南濱自平原北首受大河故瀆東出亦通謂之篤馬河東北逕安德縣故城西今俗呼爲土河如濟寧黑馬溝河水漲自東昌魏家灣溢出則循故道東北注於海否則常枯



新志稿云篤馬河漢世所開河也涇州城東四十里卽屯氏別河南瀆今俗呼爲土河自直隸元城涇朝城莘縣冠縣至堂邑分三支皆入運河至博平又自運河東岸滾水壩流出涇清平高唐夏津恩縣入平原界自平原西南大抵皆河之故瀆也水經注河水故瀆逕發于縣故城西今在堂邑縣西五十里又逕貝邱縣故城南今在清平縣西南四十里大河故瀆又東逕艾亭城南在今博平縣北平原以北則篤馬河矣水經注屯氏別河南瀆自平原城北首受大河故瀆東出亦通謂之篤馬河東北逕安德縣故城西今陵縣山東通志有篤馬河逕今陵縣城東與酈注不合今河自曲陸店入德州界逕土橋邊里鎮王解莊至義渡口入德平界東逕樂陵過慶雲至海豐入海河身極

濟南府志

卷七

山水三  
德州水

四

寬河底極深非尋常支瀆餘派可比故漢鴻嘉四年清河信都河水溢溢孫禁議決平原金隄開通大河入篤馬河正謂此也宋樂史以此爲馬頰河按爾雅九河之次自北而南徒駭最北次則太史馬頰距州境尚遙不宜遽在於此又許商指言三河有徒駭胡蘓高津其餘則不復知蓋自禹跡旣遠九河之難言久矣今河之深廣如此則是實有可徵據者許商不指爲馬頰河蓋明知此河之爲篤馬不敢混稱爲禹之九河也今考馬頰故道宜在滄州廢清池縣東南因馬頰篤馬同有馬字名稱相亂後人乃以篤馬爲馬頰樂史不究源委漫指爲一亦疎矣又有以爲卽漂水者更謬

屯氏三瀆舊州志云古屯氏河水經云屯氏別河南瀆自平原東



絕大河故瀆又逕平原縣故城北東北枝津又出東北至安德縣界東會商河屯氏別河南瀆又東北於平原界又有枝渠石出至安德縣遂絕自隋疏爲永濟渠古蹟遂不可考

新志稿云屯氏三瀆一爲屯氏河故瀆一爲屯氏別河北瀆一爲屯氏別河南瀆皆在德州城東以至陵縣漢志言自塞宣房後河北決於館陶分爲屯氏河深廣與大河等故因其自然不隄塞也因不隄塞河流四分故屯氏派別最多漢志簡括舉其大者至道元注水經指晰益爲分明按注云屯氏別河又東北逕清河故城西又東北逕繹幕縣南分爲二瀆屯氏別河北瀆東逕繹幕縣次城南東絕大河故瀆又東北逕平原縣又東北逕重平縣重合縣定縣又東入陽信縣東注於海此一瀆也注

濟南府志

卷七

山水三  
德州水

壘

又云屯氏別河南瀆自平原東絕大河故瀆自平原北首受大河故瀆東出亦通謂之篤馬河卽地理志所謂平原縣有篤馬河東北入海行五百六十里者也東北逕安德縣故城西又東北逕臨齊城南又東北逕重邱縣故城西東入般縣爲般河又東逕樂陵縣陽信縣東北入海此又一瀆也注又云屯氏故瀆自別河東逕甘陵之信鄉縣又東逕甘陵縣故城北又東逕靈縣北又東北逕鄒縣與鳴犢河故瀆合又東逕鄒縣故城北東北合大河故瀆此又一瀆也三瀆分流入海派別井井三瀆又各有枝津枝渠再考道元注屯氏別河枝津逕東武城縣東陽縣又東散絕北瀆枝津自平原至安陵遂絕別河南瀆枝津凡二自平原至安德東會商河一自平原至安德縣遂絕按屯



氏河故瀆卽今老黃河屯氏別河南瀆卽今篤馬河其別河北瀆宜在二瀆之間其川津則不可確指矣

月河新志稿云在城西二里許明萬歷時知州馬明瑞建牖於此以蓄水濟運

鬲海新州志稿云在城西二十里土人謂之沙河夏秋淋漓自故城縣逕德州界流入景州水勢頗盛大因鬲津河在德州故卽名曰鬲海萬歷閒志以爲卽鬲津河舊志已辨其非或以爲卽唐書竇建德傳之高雞泊更誤按高雞泊在今臨清夏津恩縣武城之閒土人猶名爲泊延袤幾百里去德州城西遠矣

黑龍潭新志稿云在城東南篤馬河內雖大旱不涸其深不測官吏禱雨於此潭旁有龍泉寺

濟南府志

卷七

山水三  
德州水

渠

古商河舊志云水經云商河又北逕平原縣東又逕安德縣故城南今不可考

按德州之水通志載其五舊志載其二茲以新舊德州志并德州新志稿增入凡現在行水之河有六而古河之故道附焉

德平水

馬頰河在縣西北十里詳總敘

縣志云俗呼沙河在縣治東南三十里鬲縣故城之西又云馬頰河遙歷平原東經安德涉鬲縣之西帶溼沃之北東北入海其河多積沙綿亘高下望若山阜風拂之作水波文采風記云邑之馬頰卽水經所言大河故瀆非九河馬頰故道也



篤馬河在縣西十里詳總敘

縣志云俗名鴻溝又呼爲土河又曰徒駭河今亦名爲馬賴河在縣治西北十二里自博平運河東岸滾壩發源逕高唐恩縣德州由義渡口迤西入本縣界流六十一里過韓家橋迤東入樂陵界至海豐之月河口入海又云按地理志謂平原有篤馬河東北入海五百六十里卽此其謂之徒駭則土人呼土河之訛非眞九河徒駭故道也又水經云屯氏別河南瀆自平原縣城北首受大河故瀆東出亦通謂之篤馬河據此則篤馬與屯氏別河南瀆自是一河按土河歲久淤塞

國朝雍正五年知縣袁舜裔奉文動項興修河口寬七丈二尺兩隄岸土出二十丈外夯礮堅實嗣因土疏不能保固改議民修

濟南府志

卷七

山水三  
德平 水

聖

往往爭執近淫者不顧河水之害近河者不顧淫水之害乾隆二十三年知縣文治光率民挑濬三十一年知縣彭宗古於河東修涵洞數處以洩淫水下郭家橋西伏秋水發河流倒溢水旁多被害五十七年知縣鍾天受奉文挑濬給發工銀自是河益深廣無泛溢之患

沙河通志云自境內朱家莊匯流東入商河縣界逕左家莊沙河鎮至楊家菴共行四十五里入惠民縣界又東逕梨行郭家莊申家莊至前屯莊共行三十六里入陽信界東北逕欽風鎮至岳家灣復入惠民縣界由桑落墅新河東入徒駭河

鈎盤河縣志云在縣治南門外遶西門永豐橋下北流半里折而東之其道經濟河禹城平原陵縣德平由海豐入海久淤



鬲津河在縣東南里許縣志云其道與鈞盤河同久淤又云按許商云鬲津河在鬲縣今鬲縣故城在河之東南十里河名或始此

小河在縣西十二里縣志云本名馬河今亦名鬲津河自陵縣王宣廟流入本縣界流二十五里至范家橋入大河又云卽今之鬲津河按此河開自雍正五年河口寬四丈河底二丈二尺禹城平原陵縣諸窪水入之水發合流其勢最猛居民築隄名田家堰以資捍禦乾隆五十五年大水於田家莊決口七丈餘知縣鍾大受率民夫竟七日夜堵塞之

屯氏別河北潰在縣西北三十里縣志云重平縣故城之南今皆爲禹貢懷仁兩鄉至城北窪固不待堰決也但就近堰外村莊

### 濟南府志

#### 卷七

山水三  
德平水

渠

則斯堰亦多賴之

按德平之水通志載其三縣志載其六可補舊志之缺

平原水

馬頰河在縣西十二里詳總敘

縣志云在縣境西南自博平縣運河東岸滾水壩分洩運河漲溢之水東北逕清平高唐夏津恩縣又東逕津期橋折而北至王家莊入本縣界又東北逕劉龍橋董路口至曲陸店迤北入德州界行至德平縣東北逕義渡橋與篤馬河會又東逕樂陵縣又東北逕直隸慶雲縣又東復入山東海豐縣至月河口入於海計行本境內長二十五里面寬三四丈竝數十丈不等深一丈餘尺隄高一丈五六尺至二丈不等乾隆九年知縣黃懷



祖奉文挑濬現在一律深通

鬲津河在縣南張官店匯水起詳總敘

縣志云舊鬲津河九河之一按通典自安德流至平原界今理明一統志亦云鬲津枯河自齊河縣經禹城平原西來北行經德州德平樂陵慶雲至海豐縣大沽河入海今遺跡多不可尋  
新鬲津河

國朝康熙末年知縣周之翰奉文卽平地開掘雍正中知縣鄒訓又奉文開拓深廣卽新河而被以舊名自本縣西南張官店大興莊匯水北流逕董家林鑪坊繞城西北門又東北逕鄭家屯至譚家莊入德州界又東入陵縣界至東北三官廟與篤馬河會又至德平縣義渡橋與馬頰河會計行本境內長四十九里

濟南府志

卷七

山水三  
平原水

四

河身寬二丈五尺至八丈不等深五六尺不等並無淤塞

篤馬河縣志云亦名馬篤河俗名鴻溝河自本縣南石家大窪匯流東北逕何家窪松林王家橋至鳴雞店北有趙王河水入之又西北逕呂家莊至麻家莊岔河口入陵縣界與新鬲津河會又東北入德平縣界東至張習家橋入馬頰河計行本境內長六十二里係民間捐挑並無淤塞

鴻溝河在縣東二十里通志云卽篤馬河上源詳總敘

縣志云在縣東十里卽篤馬河上源故俗呼篤馬爲鴻溝河  
老黃河在縣東北六十里詳總敘

縣志云黃河故道今謂之老黃河水經云大河故瀆自靈縣東逕郟縣故城東又東逕平原縣故城西而北絕屯氏三瀆北逕



繹幕縣故城東北西流逕鬲縣故城西又東北逕平原縣此周定王五年至西漢末黃河故道也又云河水過高唐縣故城西又北逕張公城臨側河澗又北逕平原縣故城東又云河水自平原左逕安德城東而北爲鹿角津此東漢以後黃河故道也唐及五代黃河東逕平原縣南五十里宋慶歷八年商胡決後河逕恩縣南又東北與平原縣分水又東北絕王莽河逕陵縣南今之德州又東北合篤馬河省志云黃河故道行至恩縣之苦水舖東北逕平原縣境之看墳村至趙家莊轉入德州界在平原縣東北六十里

漢溝洫志武帝元光三年河決瓠子東南注鉅野上使汲黯鄭當時與人徒塞之輒壞時武安侯田蚡爲丞相其奉邑食鄒鄒

濟南府志

卷七

山水三  
平原水

辛

居河北河決而南則鄒無水災邑收入多蚡言於上曰江河之決皆天事未易以人力強塞遂久不復塞歲數不登元封二年卒塞之導河北行復禹舊迹成帝建始中河決館陶及東郡金隄汎濫兗豫入平原千乘濟南凡灌四郡三十二縣水居地十五萬餘頃深者三丈壞敗官亭室廬四萬所命河隄使者王延世作隄塞之改元河平後二歲河復決平原流入濟南千乘所壞敗者半建始時復遣王延世與將作大匠許商等作治六月乃成鴻嘉四年渤海清河信都河水溢灌縣邑三十一河隄都尉許商與丞相史孫禁共行視圖方畧禁言今河溢之害數倍於前決平原時可決平原金隄開開通大河令入故篤馬河至海五百餘里水道浚利商以爲古九河之名有徒駭胡蘄鬲



津今見在成平東光祿界中自鬲以北至徒駭中間相去二百餘里今河雖數移徙不離此域孫禁所欲開者在九河南爲馬河失水之迹處勢平夷旱則淤絕水則爲敗不可許公卿皆從商言王莽時長水校尉關竝言河決常於平原東郡左右其地形下而土疏惡聞禹治河時本空此地秦漢以來河決其南北不過百八十里可空地勿以爲官亭民室未施行至莽始建國三年河東徙由千乘入海而北瀆遂空

趙王河縣志云自高唐州小菴莊匯流入本縣界東北逕趙家莊新章店黃家坊楊柳寺范盧屯至盧家莊東南入篤馬河計行本境內長八十二里寬二丈深五尺係民間捐挑並無淤塞

蒲河在縣南二十里縣志云按自西南郝家堂起東北至鍋培口

### 濟南府志

#### 卷七

山水三  
平原水

至

入馬頰河止計長二十餘里寬二三丈不等深三四尺不等現  
在一律深通蓋卽馬頰之支河以洩境內坡水者

王翁河縣志云按魏志廢帝正始中平原清河爭界八年不決司

馬宣王以屬冀州牧孫禮禮以烈祖初封平原時圖按之宜屬

平原而曹爽信清河言不用禮上疏曰界實以王翁河爲限而

郇以馬丹埃爲驗詐以鳴犢河爲界假虛訟詆疑誤臺閣平原

在兩河向東上其閒有爵隄隄在高唐西南所爭地在高唐西

北相去二十餘里可爲歎息流涕爽見奏大怒劾禮據此載王

翁河今不審所在一統志云在平原西南蓋黃河支津也或云

卽屯氏別稱

古屯氏河縣志云按水經云屯氏別河北瀆東逕繹幕縣故城南



又云屯氏別河南瀆自平原東絕大河故瀆又逕平原縣故城北東北枝津又出東北至安德縣界東會商河又云屯氏別河南瀆又東北於平原縣界又有枝渠石出至安德縣遂絕自隋疏爲永濟渠故道遂不可考

古商河縣志云按水經云商河又北逕平原縣東一統志商河在禹城縣東流逕商河德州德平原界今不可考

金河縣志云金史地理志平原縣有金河今不可考

平原津縣志云在縣南六十里史記秦始皇三十七年出游並海西至平原津而病正義曰今德州平原縣南六十里有張公故城城東有水津焉後名張公渡此平原郡古津也

按平原之水通志載其四縣志載十二彙而錄之以補舊志

### 濟南府志

#### 卷七

山水三  
平原水

三

之闕而濟南河道略具於茲編云



城池

按通志云設險陳於易象掌固列於周官眾志雖乎不忘保障蓋有綢繆桑土之思焉然舊志載城池兼及公署橋梁而通志則各自爲篇所以清眉目便檢閱也至於修理城垣例有保固之文或狃於所聞不敢承辦然自乾隆三十年以後或勸民修或動官項閱時既久能無望於後之人乎若疏濬壕池最爲要務論者謂土日積而水日涸則山澤之氣不通故不免旱乾之災非虛言也故於府屬城池各載遷置之由修築之工俾後之言墉壑者有考焉

濟南府

歷城

附郭

濟南府志

卷八

城池

濟南府城

舊志云卽戰國之歷下自西漢建國治東平陵至南宋孝建中移爲郡城宋曾鞏北水門有記沿至明初內外甃以磚石周圍十二里四十八丈高三丈二尺池濶五丈深三丈四門東曰齊川西曰灤源南曰舜田今改歷山北曰會波成化四年分巡濟南道僉事張珩重修十九年巡按御史朱經重修萬曆二十年巡撫宋應昌重修天啟五年巡撫呂純如重修崇禎七年巡撫朱大典重修

國朝康熙十四年巡撫趙祥星重修二十七年巡撫錢珏重修

通志云濟南府城歷城縣附郭元魏爲濟南郡治唐復置齊州宋陞爲府建今治本土城明洪武四年內外甃以磚石東西南



各有重關北爲水門眾流環會崇墉深塹居然金湯之勝

歷城舊志云郡城形如盆盎雉堞巍巍波環繞天險哉歷城之城建自漢歷晉永嘉閒從平陵移於此而城始大明洪武四年始內外甃以磚石眾水環縈居然天塹西南高亢則以二牖著焉城北又建利田等四牖以時蓄泄東西南有重關而北爲水門每歲啟以季春閉於孟冬城樓南城前後各一魏峩軒厥屹然大觀東西城亦如之北城惟一四隅各一而東南城勢偏狹迺委折以因其勢上有九峯俗名三角樓又名九女樓結構天然製自名手南城迤西爲觀風樓西迤北東迤南東迤北各一凡一十四座東西南敵樓各一其南諸樓遠眺名山廣睨萬畝獨踞一方之勝其東諸樓俯瞰三齊遙觀出日顏其額一曰

濟南府志

卷八

城池

二

永安一曰鎮海其西諸樓傍挹酌水直瞭黃崗民壘錯列羣波環縈昔年樓中貯礮自鳴因額曰先聲如雷又後額曰拱宸至於北樓下踞大明湖俯臨會波橋南瞻函歷之雲嵐北醉峭華之煙雨外則秧鉞刺水萬畝雲屯內則桂棹沂波千頃繡列顏曰河山一覽洵勝地也旗臺共五十五座旗因方色竿皆長桅敵臺共一十三座萬歷中宋中丞應昌創建崇禎庚辰又於西北增置四座堞口共三千三百五十個馬道凡五處崇禎己卯創設一處在撫院前磚破城以石爲趾磚爲膚土爲骨濶凡五丈近內者多陂上覆以甃各三尺許所以防水潦之浸灌也橋東西南三門各有弔橋有警則引絙樓上綢繆甚固西門橋外復有濼源橋東西南三門皆列排柵非獨美觀亦以防行人冗



塞恐致覆溺也列陣以下皆有護隍東方高聳北方寬衍廣至數丈近遂環水建演武場東西各一東南二甕城各設子門二名放軍門子申葉憲副大受毅然塞之夫古人建置良有深意率然有警修復惟艱君子所以貴舊貫之仍也

歷城新志云舊志作於前明之季屬疆場多故其志城池也惴惴乎有復隍之慮焉今

國家太平日久百餘年來父老不見兵革眾志成城固於金湯矣又

何藉乎增埤築隍以爲高深哉然於舊志所載猶必謹紀之者古者城郭溝池樹渠之固掌於司馬固不以無事而或疎也

按郡城城垣樓座子門及旗臺敵臺陂城堞口馬道竝池河濶深等制皆全錄府縣舊志之文現今是否仍存其舊抑有改易

濟南府志

卷八

城池

三

不符之處應逐細查明記註以昭現制濟南府舊志云城周十二里四十八丈今查里數符而丈數多蓋舊基未動步量或疎也又云高三丈二尺今查東南二面高四丈至三丈一二尺不等西北二面高三丈至二丈四五尺不等蓋城根之土隄則刷而城之增益增平則壅而城之高亦減也又云厚三丈今查城基寬而城頂狹上下核計大數相符又云城樓四門四座東南西南甕城敵樓三座北門無甕城敵樓今查仍舊制又云東南二甕城內各有子門二俱堵塞今查東甕城內之二子門及南甕城內之東子門皆外塞而內通南甕城內之西子門宛轉內向竝未堵塞內有鐵門關閉又云四隅城樓各一又有觀風等樓數座今查東南隅三角樓修整如舊餘皆無存又云旗臺五十



五座今查臺在城內其制凸出城牆內而今名跔臺數仍五十座又云敵臺十七座今查臺在城外其制凸出城牆外面今名礮臺續添八座現共二十五座又云有磚陂城今查城西南角有空心樓一座名爲樓而上無覆卽陂城之變制也其制凸出城外與礮臺等而空其中一面附城三面向外各有礮眼可箭可銃有事駐兵防守則板級其中可上可下今空洞無物如陷阱焉此制傳於西洋人穆尼閣所謂正敵臺造於城角者也正西北各一座制度略同所謂扁敵臺造於城垣者也府屬惟郟城及淄川有之又云梁口三千三百五十今查現存二千零九十二明季本有併梁之議嗣後隨時修併祇存今數又云馬道四門共六處今查四門馬道各一共四處又濟南府舊志

濟南府志

卷八

城池

四

云池濶五丈深三丈歷城縣舊志云池濶五丈深三尺今查東南城河濶皆五丈以外西北城河濶皆五丈以內南門外橋下至河底一丈七尺東門外橋下至河底一丈六尺西門外橋下至河底一丈六尺北門外坊前河岸至河底六尺五寸蓋地勢南高北下故池亦南深北淺鑿池之土以築城城高則池必深初制三丈或不虛至三尺則太淺矣蓋丈訛爲尺云道光十六年挑濬之後池之濶深丈尺如現查之數

謹按舊志恭載康熙二十八年正月十六日

聖祖仁皇帝南巡重臨趵突泉上復自西門入城登北城會波樓仍由

南門出返

行在輝煌鉅典燦列簡編嗣於三十三年



聖駕東巡登濟南城望華不注山

御製七言絕句二首賜山東巡撫王國昌勒石碑亭用垂永久泊至乾

隆戊辰三月恭逢

高宗純皇帝東巡登會波樓

御製七言律一首並蒙

宸翰親灑勒碑立亭於會波樓上此皆仰邀

聖製之褒嘉遂爲會城之盛典不待鋪張揚厲而自足以卓絕千秋者

矣

附挑挖護城河各工奏案

查山東省城四圍有護城河一道百餘年來未經挑濬東西濼河亦年久淤塞道光十六年春蒙

濟南府志

卷八

城池

五

撫憲鍾親臨查勘飭令籌議挑挖深通以復舊制知府王鎮

遵卽率同歷城知縣韓亞熊周履確勘查得護城河爲城南一

帶名泉匯流所經下游分東西二河自東南黑虎等泉發源迤

北經檀橋東北流爲東濼河至堰頭入大清河自西南趵突等

泉發源迤北經衛橋北流爲西濼河至濼口入大清河城內珍

珠等泉匯爲大明湖出北門分流入東西濼河城北百餘頃稻

田園圃皆賴兩河之水節節引渠以資灌溉自河底淤墊水勢

擡高每值陰雨連綿山水暴漲入河堤岸殘缺不能束水漫溢

橫流城河附近田廬多被淹浸城內湖水不能宣洩近湖公署

居民亦多在水中數年以來壅遏滋甚而城北田園因河高水

淺灌溉維艱往往奪壩爭渠致傷親睦此城河與東西濼河年



久淤墊田廬被害必須挑濬之實在情形也又查東西兩門護城河均有石橋橋之兩旁爲市廛所占中間僅容一車行旅擁擠橋上接連弔橋梁木鈔朽形勢傾危南門無石橋而弔橋之傾危尤甚北門之橋在城內橋石脫落行走不便壇橋衛橋兩橋低狹破損插板久廢罔資蓄洩此橋座之宜修也東門外舊有齊川門牌坊一座石基頭停均已殘破西南北三門向未建坊無以肅觀瞻此牌坊之宜立也省城地勢東南微高黑虎等泉水旺之時至壇橋一半西流歸衛橋土人爭水利築壩攔之官不能禁擬於北門迤東建廟以蓄水仍可隨時啓閉以通泉脈此石橋之宜建也南門西有山水溝一道千佛山一帶山水挾沙石洩入城河河身淤阻非建滾水石壩不能截沙過水此

濟南府志

卷八

城池

六

石壩之宜添也趵突泉東南山水溝係玉函山一帶山水下游沙泥壅塞泉池沿池石刻皆陷入泥中則泉池宜濬南門一帶壽康等八泉石池傾壞泉源淤塞不通則池石宜補各門石橋左右泊岸雁翅及三皇廟泊岸臺堦皆坍塌入河河邊土渣山積阻礙正流或應易以石或應加椿埽或應起除至西門甕城之石路城內洩水之溝渠雖與河道無關然通泉脈以固堤防皆目前不可緩之工惟工程浩大需費繁多當與韓令再四酌籌由府縣各捐廉一千兩爲倡勸諭紳商共成義舉適有歷城人候選知縣汪兆桐首捐重資銳意承辦竝邀董事紳士數人立局河干估工購料因委候補府經歷陶洪昭章邱縣丞袁淦候補鹽經歷韓煜歷城典史方啓縉駐工彈壓分段督催城鄉



紳宦商民皆以工程切要欣然樂從協力捐輸卽於道光十六年三月二十日開工至六月二十日各工一律報完核計挑挖護城河一道東西濼河二道共計長四千二百十六丈鈞突泉河一道計長一百六十三丈南門池西山水溝一道計長八十六丈修補東西北三門內外石橋三座拆修東西南三門外吊橋三座壇橋衛橋石橋二座修補齊川門牌坊一座添立濼源歷山匯波三門牌坊三座新建北門池東石橋一座南門池西滾水壩一座挑濬鈞突泉池一座修砌壽康等泉石池八座新修東門池北南門橋堞並池東池西西門池北石泊岸共五段三皇廟石泊岸臺堦一段共計長六十七丈四尺壇橋衛橋兩橋石雁翅共八段計長二十一丈五尺新築南門池東池西馬

濟南府志

卷八

城池

七

跑泉池北壇橋池西椿埽共四段計長六十六丈五尺起除南門東西土渣二堆計長二十四丈鋪換西門內外石路一道計長四十七丈五尺挖砌城內溝渠五道共計長七百一十八丈統計共用制錢二萬三千四百八十三千八百一十八文從此省城內外泉脈深通河流疏暢卽大雨時行山泉湖水同時漲發可以順軌而下不至漫溢沿河一帶田園亦可無乏水之虞而橋梁插座泊岸牌坊以及道路溝渠無不整齊堅固煥然一新蓋百餘年未經興舉之工也當蒙

護院劉 親詣驗收據實具

奏奉

上諭著吏部議奏欽此嗣經



吏部移咨

戶部會議題請應將濟南知府歷城知縣各加一級紀錄二次  
竝捐銀六千兩以上之候選知縣汪兆桐儘先選用捐銀二千  
兩之捐職同知柳森泰加二級捐銀五百兩之試用訓導施澤  
普紀錄二次捐銀三百兩之候選兵馬司副指揮金鳳藻候選  
縣丞賀澧山西候補府經歷尹葆英等各紀錄一次捐銀二千  
兩之監生馬汝龍給縣丞銜捐銀一千兩之商人衛士俊給鹽  
知事銜捐銀三百兩之民人商迪書吏宋樂天候選從九品劉  
炳等給八品頂戴劉炳係董事出力再給紀錄二次捐銀二百  
兩以上之商人張俊堂張立英王靜芳李珍等各給九品頂戴  
捐銀三百兩又在工出力之武舉朱燮元紀錄三次捐銀二百

濟南府志

卷八

城池

八

兩之武生高金城給九品頂戴謹

奏奉

旨依議欽此至捐銀一百兩以上之舉人姬豐苞監生陳聖瑞拔貢  
楊龍雲候選布經歷賈延齡州同喬明由

撫憲經

給予義聲同唱匾額未及百兩之紳商由府給匾示

獎候補府經歷陶洪昭章邱縣丞袁淦候補鹽經歷韓煜歷城  
典史方啓縉候選教諭李樂源候選訓導楊致祺候選從九朱  
曾田廩生劉兆煥或彈壓督催或董事襄辦分別詳請拔署記  
功給匾示獎而邑人汪珏等撰文立碑於郡署儀門之內茲將  
詳文及捐輸銀錢姓名數目列之碑陰云

碑記見  
藝文志

章邱



章邱縣城通志云本土城北齊天保七年所築明成化二年知縣張慶增修周六里高二丈五尺厚一丈五尺池濶二丈深七尺舊志云齊天保七年廢東朝陽置邑於此名高唐縣隋開皇間始名章邱城高二丈五尺周圍六里明成化元年知縣張慶立層樓其上正德中知縣呂秉彝重修萬歷六年知縣李臣之取女郎山之石甃以石城四門東曰繡江南曰明秀西曰錦川北曰清平

國朝康熙二十三年知縣鍾運泰捐俸建更鋪二十一座復於二十七年捐貲倡修沿堤植柳麗譙如畫迢遞相望屹乎金湯矣縣志云城高二丈五尺池深七尺設外門四東曰承青南曰長泰西曰道濟北曰永定窩鋪二十一所乾隆二十年知縣張萬

濟南府志

卷八

城池

九

青倡捐修築完固竝建四門城樓挑濬濠池道光十四年知縣吳璋以西北兩面傾圯城堞坍塌捐廉修整以資保衛

鄒平

鄒平縣城通志云漢置縣宋景德閒移今治元至元十二年縣尹陳彥武所築周四里高三丈八尺厚一丈五尺池濶二丈二尺深八尺

舊志云元至元中縣尹陳彥武築高三丈八尺周圍四里四門東曰通齊南曰興賢西曰迎恩北曰仁義教諭張崇文有記明萬歷八年知縣李瑞重修始砌以石吏部主事呂坤有記崇禎九年知縣韓文焯重修都御史張延登有記

縣志云



國朝康熙七年六月地震城堞盡坍九年知縣劉元慧重修乾隆三十四年知縣裘鵬重修有復南門記

按鄒平城垣乾隆三十四年知縣裘鵬詳修一次久逾固限現在坍塌五百五十餘丈亟應修理

### 淄川

淄川縣城通志云漢般陽縣治本土城周五里三十步高二丈四尺厚一丈六尺池濶一丈五尺深半之

舊志云自漢興置縣周圍七里三十步墉高二丈池深一丈五尺四門甃以磚各設戍樓東曰迎仙南曰迎薰西曰迎清北曰迎恩明宏治十四年知縣楊武重修嘉靖十四年知縣李性再修加以磚堞萬歷七年知縣王九儀重加擴治始搆以重門門

### 濟南府志

#### 卷八

城池

十

上有闔闔下爲河崇禎九年知縣韓承宣始建石城分堵計工紳民競勸城高三丈二尺基廣六尺頂剡五尺女牆至邊共濶一丈六尺周圍八里城下築岸二丈餘墜石護之外作深濠內外堅緻四門東內曰巒山外曰書帶南內曰甘泉外曰淑聖西內曰孝水外曰沙堤北內曰萬年外曰拱極外門設樓稱雄麗焉邑人大學士張至發有記崇禎十一年知縣楊蕙芳建空心樓十一座附城四面中設敵眼各二十四上覆敵樓順治四年謝寇陷城官兵烘之旋圯旋築康熙七年地震城樓崩圯牆堞傾毀二十一年大雨又復崩損城牆三處閭邑公議鳩工庀材僅費七百餘金而麗譙堞墉煥然如故矣此一役也經始於知縣汪如龍落成於知縣張帽省閭邑三千餘金易曰不傷財不



害民可謂兼而有之矣邑人高侍郎珩有記

縣志云空心樓十一座每樓設砲眼二十四正面眼作迎面砲用旁眼作順城砲用眼有高低中設層板以便隨宜施用每座上覆以頂以避風雨故名曰樓又云城牆中間外出一塊形如空心樓中實以土俗呼曰城耳今存數座卽敵臺之制按歷學會通云敵臺有三式造於城角謂之正敵臺一也或於城牆居中謂之扁敵臺二也或於城外另作謂之獨敵臺三也獨敵臺者對城門外建以掩門或建於甕門之內建臺有頤有眼有眼珠有鼻有吶此西洋之法也

按此法傳自西洋之穆尼閣明季入中國青州薛鳳祚從之游撰歷學會通一書書後略附其法崇禎十三年己卯知縣

濟南府志

卷八

城池

十一

楊蕙芳修城時得薛鳳祚法與縣人謀建空心樓十一所後經王茂德之亂數萬人戰城下者三月賴城之利竟得保全郡城亦用其法迄今不改

長山

長山縣城通志云舊治於陵城宋宣和末始移治於此元至元十二年縣尹苗居巖所築明成化二年知縣薛方重修周四里高二丈五尺厚二丈二尺池濶二丈七尺深八尺四門東曰望海西曰觀津南曰迎薰北曰拱辰隆慶元年知縣馮三接開東南門於儒學正南名曰景文

舊志云卽古東平原縣始於東晉北齊至隋唐五代皆因之宋宣和末重修元至正十二年縣尹苗居巖再加修築明成化二



年知縣薛方重築高二丈五尺厚二丈二尺周圍四里四門東曰望遠南曰懷范西曰迎恩北曰傳命成化三年知縣趙云重修嘉靖二十七年知縣邵苾重修嘉靖三十六年秋大雨城圯知縣邢邦彥重修隆慶九年知縣馮三接塞舊南門移於儒學正南名之曰景文門門上架樓三間立石爲之記後復行塞閉仍開南門

國朝康熙二十六年知縣錢士炎增修雉堞復開景文門越歲戊辰李太史魁麟經王叅戎登狀元形家以爲開景文門之驗

按長山土城一座乾隆三十四年士民呈請捐修一次嗣後並未興修現在閒有坍塌正值勘估修理

新城

濟南府志

卷八

城池

三

新城縣城通志云本驛臺鎮元始置縣至元十九年建土城明成化中知縣白瑛增築周五里高二丈三尺厚一丈池濶二丈深一丈

舊志云建自元末明成化間知縣白瑛因舊址修築宏治中知縣胡璉重修正德六年知縣許禮復增築外城以資捍衛十三  
年知縣張民表重修嘉靖中知縣胡應鳴重修萬歷七年邑人  
侍郎王之垣倡建磚城巡撫都御史趙賢分守濟南道嚴用和  
知縣牛希儒捐俸修築厥功懋焉城周圍五里東圍西方高一  
丈三尺池濶二丈外繞以短墉樹榆柳以護之四門東曰厚生  
南曰永寧西曰正德北曰利用嗣是知縣趙文炳錢汝梁皆重  
修天啟二年知縣孫印奇廣募鄉紳重築而新之增以城樓而



規模異舊焉

縣志云明季之亂城就傾圮又爲土賊謝遷所陷益加廢壞  
國朝康熙二十三年知縣崔懋督率羣民補葺挑濬城濠緣河植柳  
乾隆五十七年知縣劉大紳領帑重修

齊河

齊河縣城通志云金置縣天會間建土城大定八年知縣劉信重  
修周四里高一丈三尺厚一丈池濶一丈深九尺

舊志云齊河縣城初自金僞齊阜昌初始築城池角樓四座墩  
臺八座外設隍塹周圍六里高一丈三尺四門東曰臨濟南曰  
瞻岱西曰康成北曰拱極金大定中劉信重修明宏治十四年  
知縣李秀主簿陸垣重修隆慶六年知縣陳天策改南門萬歷

濟南府志

卷八

城池

七

八年知縣浦卿重修北門樓崇禎十四年知縣張安豫重修東  
北二面甃以磚西南二面仍土築之東北二門各建敵樓二座  
國朝康熙二十七年知縣黃雲重修

縣志云金僞齊阜昌初始築城池周圍五里三十步高一丈三  
尺頂濶一丈根濶二丈二尺城樓四座鐵裊門八扇角樓四墩  
臺八雉堞一千二百四十城外設隍塹周圍六里高七尺頂濶  
五尺根濶七尺深七尺金大定戊子春知縣劉信重修明宏治  
十四年知縣趙潁重修正德六年流寇殘破知縣李秀主簿陸  
垣重修隆慶六年知縣陳天策改南門邑人都御史孟養性有  
記萬歷八年知縣浦卿縣丞賈盈科重建北門樓有記崇禎十  
四年知縣張安豫重修東北二面甃以磚西南二面仍土築東



北二門各置空心敵樓

國朝康熙二十七年知縣黃雯見雉堞坍塌壕塞隍湮委典史俞焯督率重築捐俸犒工悉如舊制屹然壯觀壕比舊闊加一尺深如舊歲久復塌雍正十二年知縣上官有儀捐俸勸紳士重修

齊東

齊東縣城通志云元置縣太宗七年建土城

舊志云齊東縣城建自元太宗七年明成化元年知縣薛獻修築周圍五里零二百十四步高一丈四尺正德十年知縣蕭敬諫增修因東南隅逼近河岸乃捐俸買地移築於內下通馬道八尺濠深一丈闊七尺六門東曰東阜今改迎旭南曰凝秀西曰拱華今改迎恩北曰臨清今改拱極東南曰疏濼今改放海

濟南府志

卷八

城池

古

東北曰通汲周圍五里零二十步五分考與舊誌不同者蓋因屢經河決移築近裏之故也

縣志云齊邑土城舊址不知築於何代明成化元年知縣薛獻重修週圍五里二百一十四步高一丈四尺闊六尺爲門六歲久傾頽正德十年知縣蕭敬諫增修以東南隅受侵於減水河乃買民地移築近裏高一丈七尺闊一丈二尺其下馬道八尺城壕深一丈闊七尺東北城迫臨大清河水漲時圯萬歷二十二年知縣陶登移築近裏縮地四十餘步今查城牆高一丈五尺闊五尺其下馬道八尺城濠闊七尺年久未挑乾淺淤塞僅存舊址

按齊東土城一座乾隆二十六年勸用民力修整嘉慶十二



年列入緩修案內造報

濟陽

濟陽縣城通志云金置縣天會七年建土城周四里零高二丈八尺厚二丈池闊一丈餘深八尺

舊志云金天會開築而井低窪淋漓澇水民不堪知縣張鏗增而高之後知縣張端疏通水道沿濠兩岸植柳數千株引城中水入於城河民始便焉三門東曰仁風西曰泰和南曰清陽明萬歷四年知縣秘自謙易土雉為磚十九年知縣蔡惟忠建敵臺十五座緣臺起堡後復傾圮三十九年知縣侯加乘復營繕之凡女牆敵臺城樓城河俱為重修

縣志云舊懸鐘於南樓之上

濟南府志

卷八

城池

五

國朝康熙六十年知縣司徒珍捐資重修移南樓鐘於譙樓之上乾隆二十五年知縣胡德琳重修三門城樓移奎閣於東南城隅以當文峯

按濟陽土城一座乾隆五十七年請

帑興修完竣道光三年六月大雨東門池南閒有坍塌均可粘修

禹城

禹城縣城通志云舊治祝阿城唐乾元中移今治土城守將李銑所築周九里高一丈七尺厚一丈五尺池闊一丈四尺深七尺有護城堤三一石橋口堤一土橋口堤一流洪坡堤臨徒駭河為邑保障

舊志云明洪武六年修嘉靖十三年重修嘉靖二十一年重修



萬歷元年重修四年始建四門城樓東曰祝阿南曰禹蹟西曰  
鬲津北曰都楊鋪樓三十一座鑿堡六座七年縣丞項太祿奉  
文監造乃易以磚護城堤畔盡植楊柳稱巖邑焉有蘭谷宗記  
縣志云萬歷九年知縣任宗美浚城壕環堤植柳以壯形勢  
國朝乾隆三十五年知縣周士孝重修以東南地勢卑下縮入一基  
計周八里五分四釐高一丈九尺四寸厚一丈四尺減鋪樓整  
堡增炮臺八座

按禹城磚城一座乾隆三十三年重修以後歷年久遠道光  
二年夏秋雨水過多冲坍七百九十一丈現在詳請修理

臨邑

臨邑縣城通志云舊城在縣東北宋建隆二年河決城壞移今治

濟南府志

卷八

城池

五

土城周九里十八步高一丈九尺厚一丈四尺池闊二丈二尺  
深一丈二尺四門東曰賓陽西曰告成南曰南薰北曰拱辰城  
外爲壕壕外爲堤

舊志云至元中縣尹田壽明天順中知縣劉文成化中知縣王  
啟相繼重修正德中縣丞高爵重修知縣郭郁重建南北城門  
上建譙樓四門東曰迎陽南曰南薰西曰告成北曰來蘇城外  
爲濠濠外爲堤萬歷七年巡撫都御史趙賢檄委知縣馬思恭  
盡易以磚縣丞王執中堤上植柳登城彌望遂成佳觀矣

國朝順治九年知縣陳起鳳重修四門因改門額爲東連滄海南瞻

泰岱西達燕趙北拱宸極後西南兩門傾圯康熙十五年知縣

鄭匯重修額仍如舊焉



縣志云康熙五十一年知縣唐開陶捐資重修因易其額東曰迎曦南曰解阜西曰豐樂北曰拱宸仍勸民廣栽樹木焉乾隆五十七年巡撫長復檄知縣原遜志勸帑增修今制高一丈九尺底寬二丈頂寬一丈二尺週圍計六里三分復易其額東曰望嶽南曰承恩西曰瞻雲北曰拱極現在一律完固

長清

長清縣城通志云本長清鎮宋至道二年置縣於此土城元至元十四年所築

舊志云元至元十四年築明成化四年修十一年知縣解瑛始易石城正德中知縣劉備縣丞呂俊再築長堰城高一丈五尺濶一丈周圍四里環甃以石文牆以甃四門上建敵樓東門曰

濟南府志

卷八

城池

七

迎恩樓爲景陽樓南門曰通管樓爲向離樓西門曰挹清樓爲懷更樓北門曰拱極樓爲安貞樓城外濬池深丈許隆慶中知縣柴宗義重修植樹盈堤崇禎中知縣劉之蛟於四門外各增月城爲重門四東曰青陽南曰南薰西曰西成北曰拱極知縣王心學復增高女牆三尺

國朝順治六年知縣呂朝輔重修康熙六年地震城樓傾毀十年知縣岳之嶺鳩工重修後圯二十八年知縣巴柱朝捐俸修築不派里下輿論題之

按長清石城一座乾隆三十七年勸用民力修補一次嗣後並未興修現在坍塌九百九十餘丈亟應修理

陵縣



陵縣城通志云本德州城卽漢平原郡城也舊磚城明永樂七年移磚於陵州建城遷德州治之而降陵爲縣徙治德州廢城原址周二十里正德六年改築今城周六里高二丈八尺厚二丈池闊三丈二尺深一丈二尺四門東曰迎暉西曰聚秀南曰朝陽北曰望闕嘉靖中知縣孫曷增修完固

舊志云陵縣城舊在平原郡城之內卽唐顏魯公禦安祿山地也城舊用磚築明永樂初改州爲縣遂移於德州廢爲曠地延表甚濶正德六年改築今城嘉靖壬子知縣孫曷又增築而高之創建北門居民便焉南門無樓亦復增建城遂嚴峻

國朝康熙七年地震城樓坍塌知縣史應廷重修四門完固其名仍舊指俸竣工敏不及民實美政也

濟南府志

卷八

城池

六

縣志云新城在舊城內康熙七年地震城樓竝圯知縣史應廷重建四門俱完外池周與城稱廣一丈五尺深八尺四門各有弔橋平鋪甚坦

按陵縣城垣現在週圍傾圯僅存土岡基址亟應修理

又按舊志十六屬城池各邑俱全惟陵縣城池在缺頁之中無可引證恭閱

欽定古今圖書集成方輿彙編職方典第一百九十三卷濟南府部彙考五載濟南城池所引皆用府志而舊志之缺得以補完伏

誦

盛典嘉惠士林匪淺渺也謹記

德州



德州城通志云本元之陵州土城魏泰和間所築久圯明洪武三十年都督張文傑始建磚城永樂七年移治德州治於此

舊志云魏泰和中築明洪武三十年都督張文傑指揮徐福同建磚城萬歷四十年巡撫都御史黃克纘檄濟南同知孫森重修周圍十一里高三丈七尺池深一丈五門東曰長樂南曰朝陽正西曰聚秀偏西曰廣川北曰拱極武德道晉江陳亮采有記西城有閣俯瞰衛水名振河閣外有羅城正德六年守衛桂勇知州甯河築以禦寇嘉靖七年守備張學知州何洪增修延袤二十餘里

州志云宋金之將陵元之陵州均建治於長河鎮無城元至元二十三年移建州治於舊治西北七里治外有牆垣亦無城明

濟南府志

卷八

城池

九

洪武元年降陵州爲陵縣七年廢陵縣移德州治於此九年改守禦千戶所爲德州衛十六年詔天下都司衛所築城三十年築衛城於河東永樂九年移州治入衛城卽今州城也萬歷四十年重修

按德州志稿云舊志言州舊無城移州治入衛城查荆川稗編云金都於燕通山東河北之粟凡諸路瀕河之城則置倉貯之若恩州之臨清歷亭景州之將陵東光皆置倉之地是金之將陵有城也元延祐間臺德璋陵州儒學碑記夫子之宮舊在城東南隅是元之陵州有城也明五行志洪武二十八年德州大水壞城垣土城故易壤是洪武二十八年以前已有城非至三十年始有城也可知德州本有舊城卽今州



城洪武三十年是易土城爲磚城並非創築也且移德州治在洪武七年立德州衛在洪武九年則州城非衛城更不辨自明矣

國朝乾隆八年以工代賑發帑金十四萬有奇重修週迴十一里一百八十步高三丈七尺厚三丈池深一丈闊五丈門樓角樓敵樓各四甕城四惟小西門無門樓甕城南門無敵樓興工於乾隆九年告成於乾隆十一年州人田同之有記

按德州城垣一座動項修理後歷年既久傾圮之處共計三十二段委員查明亟宜修理

德平

德平縣城通志云本漢平昌縣舊城在今東北一里宋熙寧三年

濟南府志

卷八

城池

三

改遷於此土城周三里高一丈八尺厚一丈餘池闊四丈深一丈

舊志云明宏治十年知縣李恕廣其規制正德十年知縣申惠縣丞王楷重修周圍六里高一丈五尺池深一丈三門東曰長魁南曰懷仁西曰宜封正德中知縣朱冕增築外城嘉靖三十一年知縣趙鏞內外城俱重修之萬歷四年知縣何倬又易內城以磚萬歷三十三年知縣成文選濬內外池深廣有加焉崇禎四年知縣扈邦直築城浚池增修雉堞崇禎四年知縣蘇翹楚建敵臺二東曰多助西曰禦侮屢寇變賴外城之捍衛實多國朝康熙七年地震坍塌知縣戴玉縉增修堅厚乃成崇禎外城三門東爲迎旭西爲甯暉南爲來薰知縣王霖重修改南門曰映



奎以門拱儒學之東取聚東井之義也內城北垣知縣程沂建  
有光岳樓知縣王霖重修扁曰海岱一覽後圯知縣戴玉縉修  
而新之更其額爲海岱文峯二十七年知縣楊天樞重修

縣志云康熙四十五年知縣朱謨重修內城五十八年知縣李  
崇珠修外城四門乾隆二十六年知縣文治光率民修築內城  
完固

按德平土城一座周圍三里二百八十四步乾隆二十六年  
督勸用民力修葺嗣因年久坍塌過甚嘉慶十八年曹定教匪  
滋事知縣高澤履詳請搶修一次道光二年知縣卯廷獻詳  
請信修尚未興工

平原

濟南府志

卷八

城池

三

平原縣城通志云舊城在縣西南北齊移今治土城元至正十三  
年達魯花赤也先不花所築高一丈七尺周圍五里七十九步  
池深一丈二尺四門東曰控岱南曰迎薰西曰朝京北曰拱極  
舊志云明成化初知縣周密建敵樓宏治十三年知縣朱良重  
修正德六年知縣陶成築墉浚池嘉靖三十八年知縣胡子重  
添修北門敵樓萬歷三年知縣王遵義增擴數尺垣更堅厚十  
年知縣喬起鳳始建磚城十一年知縣方可畏增建樓櫓三十  
七年知縣黃景章重修

國朝順治十三年知縣崔掄奇捐俸重修康熙二十七年秋雨頽壞  
知縣李瑛捐俸倡修邑誌載古城二一在南二十餘里一在南  
三十餘里或郟繹幕之故址也



縣志云城樓題額曰東瞻泰岱西聯燕趙南望中原北拱神京  
乾隆九年知縣黃懷祖勸估興修

按濟南各屬城垣歷城章邱淄川新城齊河臨邑平原等七  
處現俱完固竝無坍塌之處其餘九處除齊東列入緩修長  
山濟陽閒有坍塌尚可粘修惟鄒平坍塌五百五十餘丈長  
清坍塌九百九十餘丈禹城坍塌七百九十餘丈德州坍塌  
三十二段陵縣周圍傾圮僅存土岡基址德平城門壕口坍  
塌無存城身猶如土嶺以上各工皆久逾固限急應請 帑  
估辦或擇要捐修葢補築傾頽籌貲倡率斯固守土者之責  
所宜觸目興起不肯誘爲異人任以保衛倉庫安戢黎民者  
也

濟南府志

卷八

城池

三



濟南府志卷九

公廨

人心以有所聚而能敬

萬壽宮為臣子朝賀祝

釐之所即外官報稱之心所由對以常懼也故公廨莫先乎是巡撫部

院署雖會備

行宮而實使節常臨之地則亦不可謂非公廨也學院鹽院貢院蒞事

者品階靡常然皆

御使所臨故與撫院並列其次司道行省所駐其次府州縣治邸而廳

丞僚屬各從其長以為叙營汛所在用並附焉若夫學博署見

學校志驛丞見驛遞志倉廩見倉儲志養濟院普濟堂育嬰堂

濟南府志

卷九

公廨

棲流所見卹政志不復錄以節劄劄至陰陽典術醫學訓科明

時有處舍今則無之僧道司本在寺觀且黜陟不達於部諸縣

志因列秩官末而並載之公廨於義侈矣故從缺如

歷城

萬壽宮在濟東道署之西本鹽運司舊署以運使移居驛傳道署

署而濟東道兼理驛傳事務乃以舊署歸濟東道管理建

龍亭為拜

牌朝賀之地歷有年所漸以就圯康熙甲申六月分守濟東道宋廣業

即

朝堂基址增易棟梁建東西朝房

及大門二門凡四進為屋二十九間復修門外屏牆東西轅



門及四圍垣牆三年乃畢規模宏敞工程完固乙酉春

聖駕東巡士民請建

萬壽亭奉

旨該部知道士民以奉

旨截漕賑饑蠲租煮粥得免流離踴躍感

恩各輸資卽

朝堂後敬建

萬壽亭亭內刊列連年

恩諭石碑內則椽題雕飾金璧輝煌外均覆以琉璃瓦而

宮院內外諸屋並重施丹雘屏牆之芻樹左右坊以肅觀瞻省中官

員自巡撫趙世顯以下悉與其役乃因士民歡心恭懸匾曰

濟南府志

卷九

公廨

二

萬壽宮是後相繼敬修於今不懈云

濟東道宋廣  
業有碑記

巡撫部院署舊在府城西南隅成化元年建正德閒燬於火巡撫

趙璜重建崇禎戊寅又燬巡撫顏繼祖市民居而益廓之吏解

皆易以樓未及落輒經兵火庚辰巡撫王國寶重修

國朝順治初遷明德王府舊邸康熙五年巡撫周有德重修乾隆三

十二年巡撫崔應階於署內建

御碑亭道光六年巡撫武隆阿修珍珠泉澄虛榭 撫標左營叅將署

在院署東乾隆十二年移於尹家巷左營守備署在歷山頂

撫標右營遊擊署在院署西乾隆十二年移南城下右營守備

署在衛巷 濟南城守營叅將署在縣東巷城守營守備署在

城隍廟街



提督學院署明時舊在羅姑泉東曰提學道署後移按察司署內  
一曰在縣東塔行街明嘉靖二十一年卽至道書院舊基改建  
大明湖之南故址僅至四照樓諸吏人釀金置內宅然皆校士  
時蒞臨之所平日駐節青州康熙戊辰陞道爲院始移歷城爲  
常駐之所乾隆間濟南府徐績重修四照樓學使張若淮爲記  
濟南府趙瓚重修考棚學使韋諫恒爲記道光十五年濟南府  
王鎮歷城縣舒化民重修大堂及內廨拓號舍增三百三十有  
六號竝舊號容一千三百四十四人學使季芝昌爲記

貢院在布政司東明洪武初建成化十九年修至公堂明遠樓受  
卷彌封牒錄對讀四所皆加三分之一建監臨提調監試三所  
舉子號舍凡千二百有餘間地廣八丈長四十餘丈壽光劉璠

濟南府志

卷九

公廨

三

爲記嘉靖元年重修至公堂王廷相爲記後號舍增至六千餘  
國初雍正十年增建至一萬乾隆二年巡撫岳濬重建至公堂二十  
一年巡撫愛必達再修之以火燬惟餘號舍七千五百二十五  
間共一百五十九連道光六年知濟南府鍾祥請於巡撫琦善  
布政使訥爾經額增屋四十三連爲號五百七十四共八千九  
十餘間每間皆加高增寬竝葺內外官舍六百餘間度支銀六  
萬二千百兩有奇制錢一千八百貫有奇在工官員紳士竝加  
議叙有差

巡視鹽政行署在鐘樓寺街南建自明嘉靖三年提學僉事高尚  
賢爲記

國朝因之巡鹽使者三歲一臨乾隆嘉慶間屢有修葺今屬巡撫部



院兼理

承宣布政使司署明初在青州府洪武九年移駐濟南府建署於  
府署之西北其舊址宋時郡守故治也天順四年左布政使劉  
孜右布政使李永重建大學士彭時有記前爲大堂後左堂右  
堂並設

國朝康熙七年裁右堂 經歷司署在大門內東 廣儲庫大使署  
在儀門內西廣儲庫在大使署北

按舊通志載照磨所在正堂右理問所在儀門外西又有司  
獄司今皆裁又載督糧道舊稱稅糧道在布政司大門內東  
濟東道在布政司大門內督糧道東舊設分守東兗道在糧  
道東分守登萊海防道爲海右道在東兗道東又有叅政叅

濟南府志

卷九

公廨

四

議署後改建於外皆明舊制今移者四裁者二

提刑按察司署在府治東近東城垣明洪武中建亦自青州移治  
於此成化中重修大學士商輅有記經歷司在正堂外之左司  
獄司在儀門外之東

按舊通志有照磨所在正堂右今裁

都轉鹽運使司署在按察司西兩轅相鄰順治十八年卽巡道舊  
署改建 經歷司益昌庫在司內 灤口批驗所在城西北十

八里 濱灤分司舊在青州順治十八年以舊驛傳道署改建

膠萊分司舊不詳處所康熙五年卽貢院路北守道舊署建  
焉乾隆十九年移濱灤分司駐蒲臺膠萊分司駐膠州

分守濟東道署在府治東故巡按察院署也後爲總督署又改爲



提督署康熙三十七年改爲濟東道署

濟南府署舊在布政司署故基明初侍儀使崔亮知府事始建尋改爲按察司兵部郎中陳修守郡復因開元寺驛舍重建卽今府署危素爲記嘉靖壬寅年知府喬瑞修李開先爲記崇禎十二年燬知府張共重修大門外有坊題曰齊魯首郡門內爲賓賓館土地祠儀門內爲戒石亭爲莅事堂左右設經歷司照磨所堂後爲協恭堂堂東北隅爲同知廨西北隅爲通判廨署內舊有理刑馬政二所後與照磨並裁

國朝康熙二十五年知府蔣焜重修內堂自爲記 清軍同知署舊在府堂東今圯莅事者僦民屋以居 糧捕通判舊在府堂西康熙十六年移駐德州 經歷司舊在府大門內西今在儀門

濟南府志

卷九

公廨

五

內東 司獄司署在儀門外東

歷城縣署在濟南府治北初建不詳何時崇禎己卯兵燬知縣宋祖法重建新城王象晉爲記

國朝康熙雍正間再建縣倉並在縣西巷乾隆二十八年知縣楊成龍修二堂三十年知縣藍應桂修大堂土地祠三十一年知縣胡德琳修內外官廨建總泉齋江蘇盛百二爲記今大堂六楹顏曰愛牧堂東庫房四間左右吏舍各十六間堂前戒石亭亭前爲儀門門外左土地祠右賓賓館廨再西爲獄中有廣生室獄神祠外爲大門門外有申明亭旌善亭廨道光十六年四月燬人不戒於火毀者十之三撤者十之七知縣韓亞熊重修有碑記 縣丞署在縣堂東今圯官僦民屋以居 典史署在



大門內西北 圭簿署在中宮鎮 巡檢署在龍山鎮

章邱

章邱縣署在城內東北大堂三間顏曰忠愛東西吏舍各十間儀門三間戒石亭一間儀門東為土地祠西監獄十二間內有獄神廟堂後為庫樓二堂三間顏曰懷清東為贖物庫西為契稅庫三堂三間左右耳房各二東西廊各四間東西書房共十五間內為縣令私室大門譙樓五間元至元四年縣尹蕭允建張起巖有記乾隆二十年知縣張萬青重修其餘修葺縣志不具惟有明宏治時楊循修正衙記 縣丞署在縣正堂東久圯官儼屋以居 典史署在縣正堂西 防汛署在城隍廟西久圯亦儼屋居

濟南府志

卷九

公廨

六

按舊志載章邱行署凡六布政分司在縣治西北門外有旬宣坊堂額曰廣思有翰林吳儼記按察分司在縣治東門外有肅清坊堂曰齊東第一臺後廳曰廓清太僕分寺在縣治西南府館在縣治西南堂名牧愛後廳名牧義天使司在縣治西南萬歷十年知縣周友程改建書院皇華館在縣治西今併廢

鄒平

鄒平縣署在城內大街迤北明洪武二年知縣張椿建淄川縣丞王濛有記成化二年知縣李儒修

國朝康熙十一年知縣劉元慧重修大門有譙樓儀門三間戒石亭在門內正堂五間舊匾曰平政知縣徐政因修堂改曰誠求長



山李化熙有記知縣劉元慧再改曰來成後廳五間幕廳三間後爲縣令私室正堂前吏舍東西各九間清理所三間在儀門外西偏東偏爲寅賓館旌善亭申明亭在縣門外並廢獄在正堂前東南隅 縣丞署在正堂東北 主簿署在正堂西北裁廢 典史署在正堂西南 防汛署在縣治東圮官僦民舍以居

按舊志載鄒平行署三布政分司在縣治西一百二十步按察分司在縣治東二百二十步濟南府館在縣治南二百二十步俱明洪武初建併廢又稅課大使署在縣治東七十步驛丞署在縣西三十里遞運所在縣西三十里青陽店裁廢

淄川

濟南府志

卷九

公廨

七

淄川縣署居城之中正堂三間曰牧愛左爲儀仗庫右幣藏庫堂前左右爲羣吏舍中爲甬道盡儀門南爲戒石亭亭南爲儀門又南爲大門門內東爲寅賓館館北土地祠左右崇壇南出半里許石甃爲臺懸其中爲門上建譙樓設鐘鼓明知縣楊武建康熙六年典史金簡重修樓外東爲旌善亭西痺惡亭堂後爲寅恭門內爲退思堂後爲縣令私室堂前東出舊爲管馬縣丞署裁後知縣宋正色改爲退息之所題其門曰自公卽今東書院也又南爲管糧縣丞及典史署西南爲題名館主簿署今皆廢獄又在其西南康熙二十五年知縣張嶠再建旌善痺惡二亭邑人高司寇珩唐太史夢賚皆有序乾隆六年知縣王康改亭爲旌善坊遠建於東西二關三十二年知縣趙王槐重修衙



署自爲記 縣丞署久圯乾隆中縣丞程志隆於縣治西置宅以居繼至者僦民舍二十餘年邑人高肇模等捐銀二百餘兩買程丞所置宅以爲公地爲丞者始復有署縣丞王昇爲記典史署在縣治大堂東南乾隆三十一年典史章錦麟重建防汛署在北街關帝廟東

按舊志載淄川行署三布政司在縣治西按察司在縣治東府館在總鋪西久廢

長山

長山縣署舊在城東南隅儒學之西元至正中縣尹苗居巖建明時縣令繼修者洪武二年徐奇成化十九年趙沅正德六年喬遷岐嘉靖二十三年溫景葵三十八年邢邦彥四十五年馮三

濟南府志

卷九

公廨

八

接隆慶三年韓希龍也

國朝順治四年流寇入城公署悉燬知縣朱天宜借邑人劉孔中宅居之後遂爲署康熙十一年知縣南之傑始建大門儀門二十五年知縣錢士炎擴其基建大堂三間東西庫房各一并置吏舍土地祠在大門內獄在署南二十八年孔中子耐呈請立縣署地基界石五十二年知縣孫衍建外宅門門內觀我堂五間左右耳房各三堂東爲治事齋又東曰岸舫曰拂雲閣堂西曰宜靜書屋又西曰吟嘯軒又東北曰洗心樓觀我堂後有內宅門靜遠樓迎暉樓待月樓邃軒更樓皆縣令私室乾隆閒燬於火知縣蕭學慎更靜遠三樓爲常室 縣丞署向在舊治大堂東北康熙四十六年奉文移駐周村鎮巡查私鑄乾隆四年縣



丞蔣天寅詳請建署鎮南馬神廟前在新街路東爲屋二十三間主簿署向在舊治大堂西北裁廢典史署向在舊治大堂東康熙二十年典史俞龍章移建新治東凡屋三十間防汛署向缺嘉慶六年知縣倪企望以袁姓所捐城宅之半充武營衙署在縣治東北

按舊志載長山行署有布政司按察司太僕寺濟南府各公館今俱廢嘉慶六年三月邑人袁承約與從子守仰等捐城宅一所在縣署東北計屋五十餘間其基南北五十步有奇東西二十八步有奇知縣倪企望分之半爲營弁駐防半爲上憲莅臨公館

新城

濟南府志

卷九

公廨

九

新城縣署地舊稱桓公繫馬臺明洪武戊申知縣張輝始建大堂三間顏曰忠愛後廳三間又後爲知縣宅東爲儀仗庫前爲月臺爲甬道爲戒石亭爲儀門門左爲衙神廟前爲吏舍右爲監獄前爲吏舍再前爲大門門外東旌善亭西申明亭又南爲譙樓堂之東爲寅賓館今遷儀門外東館南爲鐘樓爲縣丞衙堂西爲典史廳爲主簿衙爲官庫迄明之世知縣張銳杜忠顏鑰張新孫允四修之

國朝順治二年燬於賊十三年知縣唐瑾議修不果康熙十四年知縣雷璉修復大堂五間東爲官庫堂後悉修如舊制惟縣丞典史諸衙未暇及焉主簿署則久裁

按舊志載新城行署三布政司在東街按察司在縣治東府



館在縣治西併廢

齊河

齊河縣署在城內東門大街明洪武三年知縣王得成建宏治十年知縣趙清正德六年知縣李秀再修

國朝雍正十三年知縣上官有儀捐俸重修大堂五間顏曰親民乾隆間知縣某建二堂四間大堂左曰贊政廳前爲東西吏舍及戒石亭儀門獄在儀門內男獄十三間女獄三土地祠在大門內寅賓館在土地祠西堂後有退堂五間有庫房後爲知縣私室西舊有主簿衙今裁縣丞署地缺 典史署在縣堂前迤東按舊志載齊河行署四東察院南察院布政分司俱廢府館在縣治南路西今改爲漕米廠

濟南府志

卷九

公廨

十

齊東

齊東縣署建於元時明知縣續修者有李敏張源

國朝康熙二十年知縣李先榮二十三年知縣余爲霖重修大堂三間東爲儀仗庫西爲贊政廳堂後爲庫房堂前兩廊爲吏舍甬道近南爲戒石亭獄在儀門內西禁倉在獄南儀門外東爲寅賓館館北爲土地祠大門有譙樓設鐘鼓門外有旌善亭申明亭二堂有東西廂三堂有東西書房堂後有正樓東西廂東西耳樓有北廳東西房東西更樓皆縣令私室 縣丞署舊在大堂西北裁廢 典史署在大堂西久廢 防汛署在縣治北因故縣丞署建立營房凡十九間

按舊志載齊東行署三布政司在縣治西北按察司在儒學



東府館在按察司東皆廢

### 濟陽

濟陽縣署在城內東北隅創始於金天會七年何弼有記元明續修官有杜溥董珍馬天鐸史詢張鏗張端侯加乘樊吉人并見縣志

國朝順治中知縣解元才康熙中知縣司徒珍乾隆中知縣胡德琳

相繼重修時有增損譙樓五間高冠一邑上設鐘鼓旌善亭申明亭在譙樓外東西對向儀門大堂各三間堂前東西吏舍各六堂左右置庫獄在儀門東二堂三間東西書房各五間三堂三間清響書屋寶穡齋西前書屋西後書屋各三間後爲縣令私宅有留香書屋荆樂軒調鶴軒最後爲葺濟樓明知縣樊吉人建有記 典史署在縣署西廢官僦民舍以居 防汛署原缺歷任皆假館供職

濟南府志

卷九

公廨

十一

按舊志載濟陽行署三北察院在縣署西北原係大僕分司布政司在縣署西按察司在縣署東皆廢又有主簿宅在縣署東裁廢

### 禹城

禹城縣署元至元二十三年監縣脫歡察縣尹張仲淵修大名路教授李師聖有記明洪武三年重建中爲大堂堂後爲聞喜堂再後爲縣令私宅堂東爲庫樓東南爲寅賓館庫樓東爲縣丞署東南爲典史署堂西爲幕廳廳西南爲主簿宅堂前左右爲吏舍爲承發局露臺中爲戒石亭儀門東爲土地祠西爲獄又

前爲麗譙樓東西爲旌善申明二亭

國朝裁縣丞主簿以縣丞典史宅改馬號主簿宅及幕廳西偏改典史署乾隆三十五年裁淄川縣丞改駐禹城縣 縣丞張耀臺建新署於治南大街東 防汛署在鐘樓今廢莅事者類儼民居

按舊志載禹城行署四巡按察院在學官西今改常平倉布政司在西門內大街北按察司在大街南濟南行府在按察司東南俱廢

臨邑

臨邑縣署在城內西南大堂五間兩翼三十間爲吏舍堂後爲日省齋又後爲知縣私宅東爲縣丞故宅西爲主簿故宅堂左爲

濟南府志

卷九

公廨

三

儀仗庫稍前爲庫樓堂右爲故贊政廳今廢堂前爲月臺爲甬路戒石亭鼓樓大門寅賓館在鼓樓南旌善申明二亭在鼓樓東西樂善亭在知縣宅後觀德亭在故主簿宅西 典史署在縣署儀門內東

按舊志載臨邑行署三察院在縣治東北布政司在南街東按察司在預備倉西俱廢

長清

長清縣署在城內正北近東明洪武初建宏治六年燬於火俞莊襄公諫改而新之崇禎十六年焚燬殆盡

國朝順治閒知縣吳道凝更建李維翰牛友月相繼重修始復其舊大堂三間堂下東西吏舍三十間後堂三閒知縣私宅在二堂



後最後有後樂亭大堂前爲戒石亭儀門獄在儀門西寅賓館  
在儀門東土地祠右大門譙樓三間舊有縣丞主簿宅裁廢  
縣丞署在張夏鎮 典史署在縣堂東南 石都寨巡檢司在  
縣東南七十里 千總署在城內 外委把總署在張夏鎮  
按舊志載長清行署四察院在東門裏布政司在城東南隅  
按察司府館皆在南前街俱廢

陵縣

陵縣署在城之正中明初改州治爲縣治大堂後有敬簡堂堂後  
爲知縣私宅東爲縣丞宅西爲主簿宅南爲典史宅大堂前左  
右爲吏舍獄在儀門內西正德初被火大堂幕廳庫樓俱燬嘉  
靖後卽以敬簡堂爲聽治之處

濟南府志

卷九

公廨

志

國朝康熙七年六月地震門堂宅樓四周垣牆俱圯知縣史颺廷捐  
俸修建自七年至十二年初訖工大門儀門倉廩私宅更樓敬  
簡堂東西兩庫並復舊制 典史劉文玉亦重建捕衙於縣西  
是後莅任者各有修葺不詳

按舊志載陵縣行署三察院在縣治南布政分司在儒學東  
北府館在分司東俱廢今別有公館以待過往行治在縣治  
東

德州

德州署在城內東南隅濟南通判署西宋金以前不可考元陵州  
知州秦政舊治本在城西隅明永樂九年知州何原移於東南  
卽今署堂東舊爲州同知署其南爲管河州判署堂之西爲管



糧州判署西南爲吏目署康熙二十六年裁管河州判乾隆二十七年移管糧州判今日河捕州判於邊里鎮州同知駐城外爲河員均無署莅事者類僦民居州大堂東南爲監獄儀門前爲鐘樓譙樓五十二年改譙樓爲大門門外有旌善申明二亭今廢 庫在大堂東爲常盈庫西爲徵收庫

德州衛署在北門內東偏前明設指揮千戶百戶等官  
國朝順治中改設守備千總其居第皆自行買置故康熙時先後官交代有房價云

滿洲營城守尉署在東門內北偏順治十一年建

德州營參將署在北門內東偏明永樂二年鎮守都督同知曹得建萬歷時改爲參將署 守備署在北門內西偏乾隆四年建

濟南府志

卷九

公廨

十四

山東督糧道署在城內東南隅糧道署本在濟南省城兌糧公館在州城北三里每歲設廠於此兌糧起運名北廠明時經理漕運有戶部監督分司署在北廠後移城內

國朝康熙四年裁分司移萊州府通判駐此十八年萊州通判又移駐濟東道署督糧道乃自省城移駐於此卽監督分司舊署

濟南府糧捕通判署在城內東南隅糧道署後本察院行館康熙九年濟東道移駐於此十八年濟東道移駐濟南省城萊州通判駐此三十六年萊州通判仍移萊州濟南通判移駐於此

按德州廢署頗多舊志可考者戶部監兌分司署在州治東今三官廟是其遺址明經理漕運官駐德州者二員監督分司承樂閒置監兌分司成化後置以改兌長運故曰監兌武



德兵備道署在大西門內東偏明正德七年因流寇之變設以按察司僉事領之轄武定州德州等處先駐武定崇禎間駐德州康熙六年裁九年改爲濟東道仍駐德州署在察院行館卽今濟南通判署土人因名武德道舊署爲西察院太僕寺分司署在南關外今舊馬神廟是其遺址都司署在儒學西舊爲鐵匠局明萬歷中都司尹湘改建明制都指揮使統轄各衛所署本在濟南省城在德州者乃其行館遊擊署二一在儒學後一在古二郎廟西三署皆裁廢德州衛指揮署在儒學後之東明洪武九年以守禦後千戶所改建今廢

無迹

德平

濟南府志

卷九

公廨

五

德平縣署在內城西北隅明洪武三年建中爲勤政堂五間後有節愛堂三間大門有譙樓獄在儀門西其他吏舍之類隨時各有改易乾隆二十九年知縣彭宗古改建大堂三間東爲庫西爲收糧所後爲二堂曰敬事卽舊節愛堂也東西兩廳事又各有左右翼室後有書房二進共六間再後爲知縣私宅儀門內有古鐘樓金大定八年建下圍十二丈中圍八丈上圍木架三丈六寸鐘口圍一丈六尺高七尺八寸臺高二丈三尺乾隆六十年知縣鍾大受重修又舊有縣丞及管馬主簿管糧主簿宅皆裁廢 典史署本在縣治西故管糧主簿宅南明萬歷間裁管糧主簿典史遂移居之 防汛署在縣治東官街北廢

按舊志載德平行署二布政分司在縣治東南按察司在縣



治南俱廢

平原

平原縣署在城東北隅大堂後爲寅恭堂獄在儀門西左右吏舍二十四間大門譙樓設鐘鼓樓圯改大門東爲鐘鼓樓寅恭堂後爲縣令私宅明萬歷時知縣王維藩因私宅圯遂以寅恭堂爲內舍而以適寅恭堂之川堂爲縣政後堂

國朝乾隆五年知縣盧煜於後堂東建書屋三間十一年知縣黃懷祖於書屋後增建平屋六間縣舊有管馬縣丞署在縣廨東今廢爲馬神廟又東爲管糧縣丞署亦廢丞稅民屋以居 主簿署在縣廨西裁廢 典史署在丞廨南今圯亦稅民屋以居

按舊志載平原行署四察院在縣治東布政司在縣治南太

濟南府志

卷九

公廨

共

僕寺在縣治南

今養濟院  
即其地

府館在縣治西皆廢



